

1009
16-12



1普4
1009
16-12

縵雅堂駢體文卷五目錄

報孫彥清書

寫觀世音經告文

送譚仲儀之皖序

帶經堂記

送何鏡山之官建州序

與陳藍洲書

與施均父書

厯朝詩錄自序

春游湖上小記

秋舫填詞圖自序

小螺齋病榻憶語序

Empty table with 12 vertical columns, likely for a list of contents or a table of figures.

縵雅堂駢體文卷五


報孫彥清書

山陰王詒壽眉叔著

首春得惠書人事凌襍久缺不報臯臯勞燕東西川陸修
阻思而不見亦既勞止足下驅車冀野解轡大梁尋兔苑
之往基溯孝王之故事其亦思浩歌衛風高詠周雅延鄒
生召枚叅之風而慨然歎不與古人同時乎汝州假榻縱
游嵩岳訪少室之仙迹陟黃蓋之高峰吐納煙靄呼吸青
蒼鸞獻鳳吟天風振蕩又何其豪也春官報罷小住都門
以君通悅得失何系惟自謙從北行嚴燠屢易聞中有刀
環之盼孺子值宜教之時雖緩鶴未招亦當一脂歸轄耳

僕自從事書局于今三年矣老蠹三生不飽神仙之字秋
兔一束仍同吳市之簫比者楊大中丞復采及微薄屬總
校事竊念校讎之學匪云小道對勘狀其精嚴埽塵喻其
難盡訂隻文之異無證則証存本來之真闕疑亦貴而世
有淺人昧于古義不識壺盧之本勇于妄改亂點金銀之
車逞其率臆輒成笑柄用是競競不敢少忽秋深夜寒江
館漏永同志三五鐙火參差相與考證異同補拾錯墜往
往寺鐘欲動黃墨未已蓋亦藉以增求古之識破羣言之
惑心乎樂之不為勞也上冬之杪爰理歸櫬小集娛萱之
圃止宿鷗水之堂勉鉏秋戰新捷意興自勝幼眉高才被
落兼抱騎省之賦邕闕無歡容然讀其近所為詩益進于

婉篤而無浮響倘所為窮而後工者邪歲云暮矣風雪閉
門聊貢所懷不盡翹結




寫觀世音經告文

粵自華蓋雲香金塔啟青鸞之刹銀旛花擁玉宮繡靈鷲
之文輝寶月於蓮臺雀離閱其教暢宗風於榆櫨龍樹衍
其源緬惟慧照咸導法航式輸贊唄之誠尤被慈悲之力
伏惟濟世上尊能仁大士顯化在妙莊之國畱迹于落伽
之山紫竹成林卽是貝多之樹玉餅插柳便成摩歌之花
鼈頭示象安法界于閻浮龍女皈眞扇宏風于巨海宣五
光而普渡運千手以拯人但伸呪願卽種因緣能誦眞言
何羈感應故昔者虎牢戰苦白馬飛來象突山高金師震
吼徹奇輝于水底風雨谿寒消猛火于林中弓刀路隔中
流禪舫神颺吹如鳥之帆午夜香鐙法雨照飛狐之路亦

有星沈貫索白獸開尊雪斷歐刀青螺示寢益陽獄急幻
素羽于鶴屏南宮身危迴兇鋒于狒虜千徧致金雞之放
五道開鐵犴之門加以離狐魂返透珠汗于緇衫紫鼠丹
成滴玉涎于翠竹銀盆湔腑勝龍宮之禁方鐵鑠煉魔問
蛇神其安往凡是沈災之拔竝由持念之誠略陳往事
足證珠林說法之編若數宏慈非徒金剛鳩異之作至若
銀橋老母妙女持幢金坐比丘閻摩合掌雖迹鄰於縹緲
要理推乎固然故冥福之有資亦史傳所附見詒壽五濁
凡根六尺塵質曾參妙諦誦匪代以孝經謬附文人業敢
矜乎夙慧永懷罔極追念慈幃銅罌素萼旣愧子戀之花
寶鏡彤爐復慚敬宣之佛用裁青簡別滌冰甌鵲尾難靈

檀之香犀液調金泥之粉敬寫觀世音經一通伏願春迴
幽室露灑宵途餅浮五彩見普照之光華雲涌千蓮示菩
提而接引倘比瓊宮璇室摩耶登忉利之天敢忘紫磬紺
魚木患轉婆羅之號



送譚仲儀之皖序

歲在焉逢闍茂仲冬之月譚子將以縣令試于皖俶裝貞
言艤棹待行時則江梅垂發煙遂弄寒夕陽滿衣吳舫如
屋送者旣集祖席斯敞其友山陰王詒壽乃起屬之酒曰
行矣譚君勉旃自愛行將綰銅章佩黃綬振絃歌之響爲
民社之官矣以君通才何愧良令竊衡簪海蒙有感焉夫
萬戶作長百里典城勞劇仰承黎元縣命故昔者東里設
操刀之喻元明深飲酒之戒凡以重其任也自軒蓋日盛
清濁遂淆但豔厥官邊計乃職稽其習尙可得而言本謝
學之素優又菘文之無害階緣時會獵取一官將以籌白
檀之餉漁奪是其本懷將以償紫纈之輸興生問其孰利

餓豺之喙一尺點狐之幻百方丹魄紫裘服翫侈其珍麗
季蛇叔虎僚友較乎瘠肥是謂查墨其大較也以賊深博
燭奸之名以苛暴爲濟貪之具笞榜百楚儼鼓吹之悅聽
呼譽滿堂置是非于不問凝血棒赤斷骨柳青善族碎于
旣猾而豪強不敢擊愚眦畏若踞蝮而盜賊益以橫是謂
毒螫其尤甚也性本恂恂習爲愉誕非士元之驥足效子
猷之馬曹亦管判事棲塵腐豪黃被放衙午鼓沈夢知慧
蔽于變季教令傳之胥奴目眩黃白之局何心乎亭疑體
被金毳之華有同乎土偶是謂韞蠹乃其次也若此者大
府壅而不聞同列不以爲賊其有一二自好之士清靜之
吏則且非笑之詬病之目爲箭愚標之異黨嗟乎嗟乎所

謂導揚惠字古循吏之風其尙可問哉譚君高宇邃器淑
質朗抱甄明經學發揮文章不以之振龍藻于螭頭侍清
問于豹尾乃降心抑首俛仰其中雖曰猿投有林得無鸞
枳致嘅乎然僕之意則有進也者夫置美理于叢确不能
蝕其光者其質純也伍眾草于瑤芝久亦染其烈者其感
漸也君抱其所學策名王途白璧見賞赤符卽下識辛昂
之達俾行成都知卜式之能便除緱氏庶幾以儒術潤吏
治以文雅道禮化樹居職之表作鄰城之宗或能使黷虐
感其惠風闢葺聞而興起佳乎吏也不其盛與且皖蒙舊
游地也形勝之國冠斗襟江爲魁偉之所棲多名賢之故
治聞嘗詢父老讀銘碣如獨孤賜魚孟宗封鮓翁以篇

什顯游酢以理學傳翟公黃父之清風西谿樅陽之惠澤
竝有遺蹤之可指非徒志乘之僅存君驅車上下當亦流
連往徼遐思芳軌而喟然以慨乎三爵告盡棹歌已發行
矣譚君勉旃自愛爲吾邨光爲黔赤福江水千里待君好
音

帶經堂記

夫棲心龍祕之府驚精虎觀之奧而不辨桐芭不知鑄
田荒柰何瘡身赤犢之策尚志丹扈之藏而不親筠素不
識墳索學荒柰何揚子雲有言古之學者耕且養三年而
通一經明耕讀之未嘗偏廢也吾友定海黃君元同海岱
清士東南通儒樊重善稼著世門于南陽曹裒定禮傳家
學于慶氏有田一頃擁書百城養沖情于素風衷羣言于
先聖嗣君善學早著鬢籍既同玄尙克承青箱爰于甲戌
之冬除舍北之隙地構谿南之草堂闢綠杉以爲扉種丹
荔以網壁徑僻迴俗窗虛向陽不崇雕華取適枕葍君顧
而樂之乃取漢兒寬事顏之曰帶經明所志也爾其煜煜

丹實蓺果林于面軒濛濛翠雪展茗旂于傍砌蘭雨低檻
橙陰覆檐繡罽錯乎東西流泉縈其左右其中則有藜閣
珍校瓠中舊編縹帙雲排松籟鱗次琳琳乎琅琅乎古文
奇字兼收漆簡之蟲瓊葉靈芸曾無羽陵之蠹乃難鑪香
卻塵軌餐典籍之芳潤尋道術之橐龠鳩雨澤土燕颺暖
人時挾青編言涉華畝載耕載誦斯樂斯陶香來餅餌聲
出金石林巒爲之息羽田鶴爲之引吭亦羲皇之風矣抑
又聞之通經之用非徒淑身利居之貞豈必遺世它日者
持其所尚設施王途則將崇詩書教稼穡使爲學之士明
繡鞶之非珍執業之子知播琴之母情是又足以踵儒雅
于漢京婉宏風于千乘者也杭州朱西泉以經苑之宿彥


通畫學之六法于君爲同歲生堂旣落成因屬之爲圖而
余爲之記

送何竟山之官建州序

送何竟山之官建州序
離離津樹春風始來芊芊芳艸暮色千里何子于是策青
駒發蓬驛沂穀渚踰霞關以達乎建州試其郡丞之官方
祖筵之既張咸贈言于臨別有客慨然中坐而起謂余曰
何子以揆擢之彥投足簿領之中非策之善也吾爲惜之
余曰不然士有儷俊青翮擢秀丹穎汨心油素之囿騰藻
龍魚之肆折翅屢遭鼓氣彌劼往往素絲被領青雲無路
枕息乎繩籥之內資生于句讀之師翻然而悔亦云晚矣
何子懷抱利器不及其壯而思變將使執蠹帙以老乎且
扇皇途之鴻風亦何必由春官之墨勑也客又曰何子嘗
守廣文之官矣真除可期儒官非賤今之改弦吾又慮其

迷轍也余曰是又不然夫昔者陳思作頌表矩範于學官鄧禹論才可問學于博士固知郡國之師卽爲治化之本自後世以道術爲拘迂遂置師儒于不問而居其職者亦復冥眷自甘萎媿不恥騎疲驢于官舍攫元雁于臬比青袍弟子視等草萊黃綬同官資爲謝弄成仕宦之末境乃壯夫所不爲何子是行也譬之叢臺寶珠所在見貴青萍神鐵發匣騰光槃槃之才其甘以寂寂終乎客又進曰然則何子曷不爲專城典牧之官而爲秉簡佐岳之吏也曷不至南都名勝之區而至東海卑溼之地也余曰是說也又所謂知一而不知二者也龐士元之展驥當在治中盧渭州之佩魚乃由從事半刺之任五馬同符况蠻疆要阨

東州奧區海上之烽初銷番夷之情叵測赤旗化鷺白馬展猷亦功名之會矣且夫鸞孔振翼不入赤霄之羣金匏合肆始播降神之奏今越中雄俊君子如周季貺傅節子諸君皆以郡丞官聞何子以榆里之好簪海同趨則將朱軻互引宏此紱佩之規龍藻相輝非直殷勤之雅是更非君所及知也客意乃解引滿而起余遂詮次問荅之言以贈何子之行云



與陳藍洲書

八月一日在越得徐紀報云僉從須松谿回始發計當在二十後耳初十日到會城思得展西窗之談握河梁之手而足下已于前二日行矣水雲蒼蒼瞻望弗及願言之懷良用悵然義璘迅邁晦朔又周伏惟颿程多泰軌途早抵漢江青山聳若候吏武昌官柳秋來迎人棲琴旣安柱版伊始足下以經術之彥負明通之才明月夜光見者知寶猶憶前歲之秋足下與僕及均父抵掌江樓各攄所抱因言它日者或出領民社設施何先僕以拙疏甘謝不敏均父雄氣雲翔壯詞濤涌謂當使豪強糜于赤棒猾胥懾其火符意啟法隨威行郡國而足下獨謂惴惴無華漢后良

矩吾有民社請事斯語其時涼月在簾江湖正怒拔劍起舞撫掌大哈迴首前塵如昨日事足下今且領震雷之封試製錦之手當酬曩言流慶蒼赤獨念均父南池垂翅西陲仗劍一官未成萬里孤往玉關信阻元律告寒青袍疲馬稅駕何所輒爲嗟結不復能置僕局迹緹素顧影寡儔自君之行松老旋返離抱未暢青驪載駸仲子比日歸來皖中之行當亦不遠無多良友忽復分散湛江水極目千里皎皎明月懷人各方此其所感又何可言楚北襟江帶河形勝之地罷參散帶當展雄覽其地風習如何鄉縣旣殊服食自別伏希起居珍衛不宣

荅施均父書

均父足下河梁攜手曾賦五言耀靈振轡倏彌一載秋閒松谿歸迹足下拂衣出都萬里西邁休陽遭負匱之盜太行墜再蹶之馬毅然長征不復返顧豪邁之氣聞之神王旣念孤蹤關塞冒犯霜露登樓引領復用悵結歲聿云暮始得十月十日臯蘭書發函伸紙迴環三復鋒振詞舉有同抵掌夫豐城劍氣待茂先而始騰雒陽玉檢遇子伯而增寶足下之見器于相國空也足下習虎鈴之經抱龍驤之志以枕戈之越石依當代之夷吾誠神鯨得雷雨駿足步風雲之時虎牙建節燕領封侯烈士壯猶固無多讓然必謂功名當如班超陳湯而以一郡一邑爲未屑僕竊以

謂過矣夫守郡者股肱之任臨邑者政化之基宣帝有言
惟良二千石共治漢官之制掌一萬戶上爲令興剔仰施
黎元繫命故古者郡邑良吏類有公輔之器將帥之資或
赤丸變起黑山寇來則且提枹展旂揚武定旤其糒積丹
常熠氏青簡者蓋比比也僕願足下韜鎡櫜彩和光葆貞
循資以求隨分而處勿舍夷途而趨險軌勿棄近績而夸
遠功此則萬里故人所殷殷進規者耳數月以來松谿赴
江右藍洲赴荆門仲修赴皖南竝以長才騁于王路僕冷
螢無燄老蠹同餐側身四顧彌悵寥落良朋星散薄俗雲
浮如何如何海濱騷動幸已銷烽天台之變乃由征賦弄
潢池之兵無非赤子聚南山之盜尙是白徒誠得賢長官

善處之當無慮耳朔風凜然聽園梅開巡檐孤嘯懷我知
己邊地苦寒雪厚幾許伏冀眠餐倍萬珍重

致逮乎宋金之作元明之篇洵風雅之代興有才人之踵
起雖其體或殊夫洪纖而發言咸係乎時會要皆抒自得
之精蘊成一代之風氣而論者好爲高語謂體必尊漢京
誦勿踰盛唐比齊梁于皇琴斥季近爲紫色吁何其慎也
夫詩言性情百代同軌溯其所自可得而言彼夫金門妙
彥玉苑儒臣柏梁繼音龍池應制賡頌之體麗則同歸若
乃落日弔古結渺思于煙雲碧山棲沖寄高情于泉石亦
有楓林江水良朋遠去之時艸色天涯客子思家之日志
士失路投足無門孤憤鬱懷問天不語莫不發孤唱起慨
歌託閨檐以宣幽協宮徵以寫蘊故人代所隔雖有遐邇
之分天機所流必無異同之致出乎真性卽成雅音苟旨

趣之無乖自矩矱之有在何必規規焉過爲區別哉僕愧
非揆擿之才略識詠吟之旨蚤號自惜懶祭甘譏爰卽夙
習之舊編爲別錄于暇日掇其珠玉不爲主客之圖翦其
蕭稂菝因時代而泥不名一體轉益多師用作敝帚之珍
敢曰騷林之表嗟乎一士之生百年如寄上之欲明廷高
議定縣蕞之儀次亦當祕閣陳書繼青藜之業乃徒沾沾
於雕蟲之末矜窺豹之論亦可慨也夫

...

春游湖上小記

甲戌三月之二十日林雨乍過新綠媚人輕風不寒薄陰
垂水乃呼吟臚約獻侶白袷三四蘭槳一雙言從涌金之
郭汎乎明聖之湖于是緣修隄湖枉渚穿平橋指幽麓激
波穀展鷗路入花古藍雲藏魚唄越竹羈榜檣樹潑莽碧
甌長髯挈壺老曩迎客攜鑽籬之珍菜烹水梭之小鮮舉
酒促棹放乎中流魚鳥寫其娟妍煙波樂其清曠南高北
高遙接雲氣裏湖外湖淡隔柳景色秀餐可綠淨唾難余
乃岸幘四顧破舷而歌歌曰水如掌兮山如眉方仙舟兮
澹忘歸春欲暮兮花亂飛君不飲兮何爲客和之曰水如
鏡兮山如螺燕燕舞兮鸞鸞歌勸君飲盡金叵羅佳辰良


會苦不多清韻迥然林壑眾應白雲依依夕陽欲墮返羽
拂水暝色漸合迴舟遵岸乘風詠歸夫冰幰繡檻泊藤陰
之伎船金絲玉簧流花底之珠唱往昔歡游非無綺集然
而悅魂于歌舞則曠逸之趣不專綴目于釵黛則崢泓之
觀或蔽故竹肉之縟節不若山水之清音也朱勰之錯列
不若鷗鷺之相親也翩一葦其可抗忻良儔之共載飄飄
然作天地閒想汎汎乎如水中之鳧于胥樂兮何以加茲
因泚筆記之以志一時雅趣云

秋舫填詞圖自序

余自庚午歲以撫軍楊石泉中丞之辟校經虎林去家不
遙間日可達每值秋霽輕裝往來自解西陵之纜至于北
郭之廬江程紆回水木明瑟烏篷八尺坐臥襟以酒餅青
山一窗煙雲供其畫本興之所至輒譜小詞觸盼流聲不
假錘琢用以酬清景寫渺襟也于時江籬送香汀樹未脫
清陰垂野輕寒流衣蓼雨一尺夕陽乍晴蘋風半灣涼色
在水亦有蓮女單檝菱娃疊舸低徊江南之唱宛轉西洲
之曲及乎清霜戒冷白雲不飛肥菰蘼波野雁忽下殘荷
掩寺一僧獨歸菊離離其綴芳蘆蕭蕭以荅歡暝煙墮樹
皎魄出林禿柳橋欹晚漁發其清唱黃葉邨小遙鐙生夫

水光莫不引白石之幽情入蕢洲之邃譜夫昔者端已扁舟沮棹乎章水甫里高致恣情於苕谿良以途危則跬步比之靈關程夷則浩蕩等之衽席猶憶辛酉之秋狂寇滔天吳越陸沈間關避地扁舟西下同此百數十里閒青烽照乎碧波斷骸橫于高岸腥風如虎瘞日不輝狐鳴狼跑耳礪目棘谿葉偶卷疑邏騎之忽來林鴉四飛驚妖旂之突起江笛無語惟聞哀角之聲水花自紅卽是殘魂之血當此之時惴惴焉皇皇焉又安知有水鄉之可樂秋色之足賞哉今者麼旣早渝江戍無警儻何乎浦激揚擊乎中流魚鳥親人江湖有味高歌水調和以皷舷之聲散髮天風招彼吹笙之侶亦未始非吾生之厚幸也夫錢塘朱西

泉孝廉讀余詞而好之爲作斯圖余遂自序其緣起云時甲戌仲冬日



小螺盒病榻憶語序

病榻憶語一卷會稽孫瘦梅觀察哭其女越晚女史而作也芳蹤欲塵秋淚不熱殺青甫竟來徵弁詞僕也買鄰千萬幸接清風通徑十年與其明月其時青谿妹小問字花簾左家女嬌待年蘿屋與女史問訊時通過從勿聞燃脂互寫珍珠密字之牋擘繭聯吟金縷寶釵之句紛茲內美芳其彌章繁言不聞淑履可述夫其珍同么鳳慧兆翠雞陶靖節之憫情尚憐其弱張安昌之愛女頗甚于男生長乎綺羅出入乎怀抱縱使性成嬌情嗜在麗都以論清閨未云累德而女史則蕙心獨幽梅格不俗五紋綵綫時挑夜繡之鐙百蝶羅裊不結春游之伴畫螺硯畔每碟青編

吹絮箴中兼藏古墨誦南華秋水身是綠衣之仙錄北山
 移文書奪金鑿之迹翡翠之牀在手珠玉之唾隨風喜書
 早見乎九齡熟簡已盈夫三尺況乃晨妝掃月修蘭笑以
 承顏午課吟花捧桃牋而繞膝叢編代檢雲葉阜羅之廚
 僻事能徵錦舌青瑤之乘由來淑女不異佳兒如此仙姿
 合歸天上雲冉冉其引寢風飄飄兮吹衣明星玉女手白
 蓮以上征青靈羽人卓翠幢以早待皆卷中墨蠅之境匪
 幻白鸞之召旋來湖其示疾之初迄乎彌留之際玉骨支
 瘦不廢鳴蟬之梳絲喘顛涼尚戀秋蛭之字觀察則水量
 磁斗藥肩銀船龍宮檢方丹九還而莫合雁鏡警寤夕五
 起而猶驚一霎曇花半年病葉五絲安續雙淚空彈蕭瑟

珠權永絕青絃之響叢殘粉翰忍開黃竹之箱徒憶其零
 星倚枕之言冀抒此夜雨虛帷之感亦可悲矣然而悲歡
 境也修短命也綵雲之聚散何常舜華之盛徂隨化況乎
 吟傳七字綠楊鐙景之篇決別一言碧落天邊之約俱本
 容華著才媛之号飛瓊返仙島之眞瑤海雖遙珠輝宛在
 嗶簫乍奏恍睹平桂旗雕華勿湮有同夫梓瑟將見香甬
 展碧咸誦秋風楚些之詞麗句敲金爭題明月湘君之什

縵雅堂駢體文卷五
三

縵雅堂駢體文卷六目錄

皋園修禊序

復見心齋詩集序

漚花小錄序

藏書自記

與友人書

蘭谿訓導陳君誄

皋雲集序

報陶子珍書

杭州重建揚清祠碑

蘇州重葺對韻詞

蘇州千冬書

阜雲集序

蘇州重葺對韻詞

蘇州重葺對韻詞

蘇州重葺對韻詞

蘇州重葺對韻詞

蘇州重葺對韻詞

蘇州重葺對韻詞

蘇州重葺對韻詞

緜雅堂駢體文卷六

山陰王詒壽眉叔著

阜園修禊序

歲在困敦粵上斯已都轉秦澹如先生乃約歡侶攜芳尊
修禊于會城之阜園地饒水石亦美雲木翡闌篆徑縹泓
鏡軒本觴詠之勝區有滄浪之舊館于是芳蕙一碧游絲
十丈春陰在水燕風散襟展花裯于綺除藏行廚于竹裏
軒蓋不襍琴觚閒陳招片紅以陪笑香生酒鱗嚶絲羽以
荅歌清若笙吹瑤情既暢玉山未頽言飛羽觴乃臨芳澗
苕帶量碧葉葉乎春衫蘋波濯纓羅羅乎流水孰客孰主
或喁或于發襄古之幽情振凌虛之遠獻可謂標韻簪林

契沖物表者矣夫浮生電謝曦璘之驂不停世事雲浮滄
桑之境倏變況乎百年風日佳時幾何千里萍蓬良覲不
易故昔者蘭亭繭紙內史興陳迹之悲涼苑雲輅參軍有
上日之記莫不俛仰身世流連勝集發爲篇詠傳之後來
先生以爲古人往矣清濁可武乃以落花芝蓋楊柳春旂
流觴曲水茂林修竹分韻賦詩而屬詒壽弁以序雕瓊鏤
采無拘金谷之酒籌簧水笙山遂播芳園之韻事會者凡
十六人

復見心齋詩集序

歲在丙寅序屬首夏詒壽于役暨陽解裝邑署杭州孫翔
伯先生名山選勝謝公之展方來高館張鐙陳蕃之闢初
下先生儒林丈人陳芳鴻彥良蕙儷玉寶行比金篤詩禮
之傳趨鯉承訓綏德門之慶行馬早施故得棲養沖齋婆
娑風月松石寫其高致巖壑恣其清游閑雲自舒纖塵菴
望俯谿南之詞老爲地行之神仙松格旣瞻蘭味斯洽呼
之小友訂以忘年家相與登紫闥之名岨訪翠峰之遺構
尋浣紗之古石弔苾蘿之荒祠松翠十里桐雪一尺烏桕
閒挈赤藤謝攜谿女笑指疑爲羽霄之侶山禽引吭荅此
鸞獻之聲討幽彌旬得句盈軸歸轄旋動臨別倦然于時

兵火始熄先生尙僑居甬東湛湛江水渺渺予懷不見之
恨寫以三秋加餐之書動輒一束無何詒壽就官冷曹屢
理西渡之檝先生亦返錢唐故居王粲造中郎之門倒屣
常驚乎一座陸贄入張鎰之室傾談或至于三日秋風桂
樹則蹋臂尋幽微雪梅花則竝屐覓句招孤山之老鶴策
段橋之蹇驢無閒追隨以永晨夕嘗出其復見心齋詩全
稟相示靈波獸解天機自然濯瑤蕤于秋泓激涼吹于空
碧而先生唾可成珠懷偏似竹以炫服之俗嗜居美理而
勿珍豢陳賤子之芻言用發主人之玫笑夫蛇珠謝銀黃
之飾奇光自呈螭鏡揚澄冰之輝纖滓何綴故尙素者不
貴乎組綺崇樸者不藉乎琢雕今之襲金彩于土偶澤膏

翻于東家爲麟之援爲驪之爪言乎騷雅翻其反矣先生
獸能彈其古調抒此性靈良璧無瑕澹詞彌雋雖儲篇沮
溺莫悅眯盼而白章姬解何害大家哉文字之契丹雞可
盟官檄相催青駒在戶疊商致感方吟杜陵之詩龍蛇在
歲偏兆鄭公之屐蓋自詒壽驅長山之車先生已示維摩
之疾矣悲夫元雲起而金芒掩秋艸碧而玉樹埋重來門
巷傷心馬箠之搥回首笑言無復鹿牀之共重泉永隔十
載于茲屬者嗣公子授學士子搢學博以詒壽素見知于
先生善其遺艸諉之訂編自惟禱昧何敢定先生之詩顧
念往日者嘗與先生登臨江之樓展夕陽之眺感雲煙之
變幻傷陵谷之遷移浩然顧詒壽而歎曰人生百年有同


駟卻浮世一霎當雷豹皮吾夙嗜在詩雅不欲求合于世
目又不自選擇全彙具在它日定吾之集子之責矣是則
訂敬禮之遺文抑亦踐橋公之夙約也詒壽又何敢辭因
爲刪訂成六卷而敘生平之雅如此縞鶴不返老成猶見
其典型黃金可銷詩卷長留于天地

漚花小錄序

自昔錦屨點落花之響臺畔畱香玉簫傳秋拍之聲竹西
騰吹千家暮雨不卷珠簾十里春風長嘶金絡讀子夜鐙
前之曲諷楚膏掌上之書但是嬌花多栽吳苑由來明月
大好揚州旣而軍鼓聲高霓裳羽散兔絲安附儂爲海上
之萍燕子移巢春滿浦西之柳花穿雙曲都種枇杷鏡落
千鬟時驚翡翠鈿笛共雕琴競奏麝霏借蘭雨齊飄綠房
窈窕七二文苑紫珀迷離一雙青鳥于是松陰立馬逢西
陵之碧車花下畱歡解漢皋之玉佩絳蠟露華之照金槽
槎根朱瑤綃霧之垂香囊叩叩眞可謂金粉江山綺羅窟
宅者矣乃有玉句詞客畫檝俊游披王曇首之紅衫聯杜

樊川之白袷閑情拾翠迎桃根姊妹之花刻意尋芳極環
燕瘦肥之態春燈勸酒點紺暈而衣香碧玉低鬟壓翠鈿
而帽側雖我輩鍾情不及于亂而其人傾國領略爲多豈
乃細較羣芳閑裁側理評以錦字詠以珠篇鏤管金銀略
擬湘東之品玉樓釵黛已空冀北之羣錄之作也僕有感
焉夫綵痕偶聚瑤穹無不散之雲薜華從風香海少長生
之種昔之皋橋豔品洛下俊妹成都校書楚江錄事假不
經才子之品題書流之標詠則柔荑不固早化秋煙墮絮
無聲誰傳小字嗟乎嗟乎其與士之附青雲于一時隨流
塵于身後者何以異邪故江東疏放厥有北里之編遷客
老顛斯作江花之藻雖曰游戲非無寄矣楮墨所流今昔

胡異豕使鳳窠羣女有同翠玉之鐫鶯海名葩永播紅絃
之韻



藏書自記

僕夙抱韋述耽書之癖頗爲常景古帙之求芸苑珍編綈
叢瓊葉例以充倉之富雖見誦于兔園用作饋貧之糧亦
足資其懶祭無何狐鳴構旣狼頭肆燄單舸出走窮海轉
徙度諸室者旣百椽之竝燼挈以行者詎兼兩之得載加
以桂玉多艱萍蓬無定愧謝僑之守充倉竟用班書質虞
和之廬覆雨兼無素被數年之間雲飛葉散什一僅存矣
腥螻旋埽飛鳥得依結習未忘見獵輒喜付長生之庫尚
賸絮袍減陽城之餐已非榆葉艱難所得篋衍漸盈又比
以應辟校經頗勤攷訂治官多隙從事私書往往丹鳥窺
牖卽研黃露之珠銀蟾入簾未輟縹花之管素王之所訂

青簡之所編稷下龍雕之文冢中蠹竹之字不無證信多有刊訛緘花藤而鱗排護細眷而麝襲雖謝萬雉之坐擁幸葆一鳴之見譏願而樂之輒成獨笑或有憐其嗜之竺而嗤其藏之少者蒙則有說聊用解嘲夫羅岷漢以爲府不若蒼壁小璣之在握也集金毳以疊笥不若尺縞幅絺之日御也世有競積玉于縣圃夸連雲于芬林萬卷名樓五車著富猶復揆壺中之祕籍訪石室之異文奇光接軫欲傾江左之藏瓌寶充箱有類重氈之掌然而頻年函錦滿室棲香嬾龍夜守偏矜福地之居羽蠹晨飛任飽神仙之字徒慕博收之名曾無畱目之賞是爲觀美蒙無取焉亦有胄承通德家有賜書傳祕閣之副本碧鏤牙籤挹天

祿之餘輝青遺藜照藉錦帙金箱玉版之珍森森寶書東序西園之美而乃車難合轍學早分途夸繡綫之新樣別有金科斥古籍作劬門東之塵閣是猶龍幹儲度取材于枉橈羊珠絜槃耽翫乎沙礫孤此琳琅蒙傷之矣嗟乎笙匏之器星羅薶壤祇安其寂藻翟之章雲襲矇窆不知其華徒矜曰多又將奚爲哉且夫得之艱者視之彌珍業之素者愛勿能輟蒙以刃底之魂獲此劫餘之賞謝銀車之污墨足比大園良書發瑤鑰之古青何異永嘉舊本厥藏雖少爲幸已多球璧寶之不亦宜乎五千卷撐腸文字頗笑崔儵之拒人三萬卷脫手丹黃敢羨鄴侯之插架

與友人書

一昨二三知己小飲江樓爭席有鷗蒸壺如帚解襟促坐

與友人書

一昨二三知己小飲江樓爭席有鷗蒸壺如帚解襟促坐
銜杯劇談豈乃感世路之多艱悵孤蹤之安託酒薄不醉
卿言始愁而足下歎軒肩鼓氣謂士不得志退求一職亦
可自奮于功名之途卽不然而游謁可致五侯之鯖幕府
可索千金之聘天空任飛吾何慮勇僕當時墨然意倦不
復置喙夕而思之足下坐臥閨闈雄長婢僕足不出里閭
癯不涉都會其不識世路之難誠無足怪也僕則橐筆半
生知之熟矣知而不言足下將終無由悟則請卽昨所言
之三者而述之夫相如逸才入資乃登郎署崔烈名士進
錢以拜司徒階身之污古所不免自視冠軒爲利途豈以

金資博孤注黃綬長吏碧衫枝官和嶠之籠朝探毛義之
檄夕下媚狐兩脚神龜萬鑽槐柳齊行尖錐競巧彼方謂
筵前舞袖非無長信之猴坐上金籠不少大卿之鵠朝賢
尙爾我輩何傷乃視摯詔爲本然置恥辱于不問其術之
售者或且得恣其威福望若神仙而二三骨鯁之士轉乃
落莫無徒是非衡鑒者之不明黜陟者之鮮當良以孕蘭
一萼蔽髮蔓而不芳積沙百斛藏寸璧而莫見吾與子側
足其閒固將羣唾之爲不祥力排之使失所鳳皇萬仞安
知匹雛孔鸞失勢不及纖翮此仕宦之事爲今之所難也
吹笙楚國墨子不損其賢懷刺洛下禰生不抑其氣踵門
投謁自昔而然服紉蘭之奇服冠切雲之高冠上書荊州

之門長揖李膺之坐艸賦朱閣節帥傾心陳詩鐵門先達
倒屣長安如燕之客終致青雲車前雕龍之書乃騰隆望
天下大矣詎無知音文章有神亦堪吐氣乃者曳裾下客
伺門陋儒立馬廐而不慙望車塵而卽拜殘羹冷炙甘之
如飴金錯素纁勾之無節獻錦牋之七字但解揄揚承華
屋之一言如膺詔命自處旣鄰于斯下視者亦比之賤傭
居元龍百尺之樓設下牀以待客享季子五鼎之奉進脫
粟以餐賓浸成貴倨之風豕短名流之氣昔者趙壹窮鳥
傲郡守以尺書元度素箠破軍門而索刺行之今日叱逐
隨之此干人之事又今之所難也孔侯嘉邈終應安東之
招樊川清狂乃管奇章之記士有抱靈芬圃垂翅蓬池幕

府之依亦固其所然而重之以弓旌遇之以國士昔有其事今無其人以彼穹階高據繡袞儼然或署牘尾之名但知金屋或判祠曹之牒不解龍星以文士爲可輕以詞翰爲末務但看麝墨光滿絳霞之牋安識龍章出自雲梭之軸作黃江夏腹中之語何論鸚母高才得溫子昇海內之英乃屈馬坊賤客是何怪乎翩翩俊彥矯矯清才甘臥窮谷之中恥作侯門之客故雖有名卿秉節思播宏風或且因鵝鶴之不逢亦羔雁之禮絕此依人之事又今之所難也嗟乎滿目江山何處平原之飲半生肝膽惟傾燕市之徒白日輪馳金門天遠餓麟不噬窮猿安投我方深其隱憂子乃恃以無恐是何異涉一尺之波而忘八節之險守

十步之室而味九折之危者乎足下休矣其幸毋以吾言爲過情而以康莊視荆棘也惟覽不宣

蘭谿訓導陳君誄

蘭谿訓導陳君誄

惟光緒丁丑四月十有二日蘭谿訓導陳君病瘁于官舍
年僅五十有四秋霜未零鼂赧先掩嗚呼哀哉君諱煥字
子炳號芷濱甯波鄞縣人也丹胄承華縹芬紹秀幼有奇
童之譽長偁家術之良門庭美其溫溫圭璧貞以翬翬墨
舌媚學鏤肝吐辭既推俊于一蠻旋列名于千佛豫章之
秀續之冠乎同門孝廉之船張憑偁爲理窟覽關百氏識
鏡古初學無不窺舉業尤擅唾棄蕪豔壹軌乎清真縵囊
眾言衷要于理矩志挽靡習開門授徒蓋其時科舉之學
風氣日下以房行爲玉律束載籍于積塵篠駿蚪戶競詡
新裁折楊皇芩用悅里耳赤霄襲孔毛之翠碧盧竊奇瑣

之光教學相承汨沒莫返君乃示以正則指其迷途疏瀹
性靈醞釀經術法鍼砭俗神手點金得其一言勝會于雞
之跖不拒來學詎脫雙鳳之衣家令安邱采玉之賢咸趨
孫氏淹中操觚之士競誦張文蓋著錄者一時僂盛焉縣
布再登折翅不上援例以教職謁選得蘭谿縣學訓導蘭
谿者閩越之通津商賈所襍糞也衮服塞市袂帷汗雨之
場女閭列居跼躑彈絃之會士之生其地者或染于俗習
不禁冶游然而蒞水流馨之地仁山講學之鄉本清淑之
所鍾實秀翹之所聚君至則宏施教澤峻立齋條勤白璧
之刮磨戒青衿之佻達剛日柔日分以經史之程金管銀
管規爲人文之品先生有道弟子多才貞志者益懋其修

贅行者亦化其質訓蘭谿前後凡十餘年論者謂有蘇湖
之風莠性既綢直雅竺知交有青雲之氣誼具黃金之肝
膽銅盤推食束修之羊常捐歧路脫驂博士之驢可賣若
乃定傾蓋之分風雨無輟其音竭規過之誠切磋不嫌其
峻此尤友誼所足重者歲在丁卯君奉檄攝金華教諭詒
壽亦來權司訓與君槃礴同餐室蘭互契旣共襟期之寫
冢訂昆弟之交相得之歡有逾恆等明年詒壽調浦江君
亦回蘭谿任隔途不遙命駕卽達一歲之中展覲再三及
庚午詒壽秋試再落應撫軍楊大中丞之辟校經會垣良
會冢阻桃花潭水千尺寫其相思落葉蒼江五度見夫秋
色至乙亥秋君始以謁學使者至會垣見訪于書局綵雲

算合正懷美人清風曉來乃覲之子握手道故喜可知矣
乃與展吳山之展放明湖之船流連未旬珍重而別自是
相違者又兩年渭北春深正寄杜陵之句山陽寤惡竟兆
元伯之亾嗚乎哀哉一面之後君豈不可復見矣君素懷
靜退澹于榮祿居恆下帷課其三子琴畫一闌花石半庭
詩心蜨催書聲鶴聽姬人解事親烹石銚之泉門生能來
亦翦夜雨之韭名教樂地仕隱高風剖符分竹非所願也
猶憶江城夜永抵足寓樓君爲我言白髮相催赤轂不待
哀樂之感過謝太傅之中年婚嫁之期迫向子平之多累
倘略酬夫身事亦何戀乎微官六十之年必當解組言歸
耕下溼之薄田守先人之敝廬此吾之志也嗚乎區區之

願何殊乎涓流濛濛上穹乃靳此寸澤虞淵景促偏先張
翰之帆華表魂歸虛說令威之鶴以是言悲慙焉何極詒
壽嘅知己之云亾傷幽途之長闕素車白馬終慙友友之
情斗酒隻雞永憶生平之語比反眞于桑戶合賦蒼來學
作誄之安仁自憐絲鬢敢託豪素用招旒旒辭曰

蕙波泖滌黎峰嶽寄璇源育穎瑤林擢藝猗與陳君學爲
人師金壁其質麟鸞其姿綺歲吟梅艸辰辨稻及乎弱冠
姸節自葆履潔鞏素珍寂躋道孝友溫恭鄉閭之表竺志
誦習輒忘渴飢晨禽窺案夕螢坐衣琅函嶠列芸檢香圍
吸華吐粕扶精析微發而爲文珠連玉錯蘭藩一滴花雨
四落騰藻攄龍引響吭鶴清奇淡濃莫非合作振秀暘谷

吐豔金擘惟君之才承明是資奧潔不升天風倒吹春官
三度夏課莫辭爰就閑秩爰長子矜梅花署冷蘭葉谿深
穽寒一片牆高十尋珍規範土木舌宣音君昔講學始于
枌里斥彼俳僞衷于義理芬林寶車蕝海琨砥分其片羽
莫不雀起粹然儒者卓哉先生在山出山異泉同清祥鱸
何慕元雁何爭有教無類惟德之成昔我與君長山之隅
一鐸共假竝室而居是則是效亦步亦趨壘篋訂契金石
不渝幽館松聲青山燭景紅爐煮酒碧甌品茗吟涼雨墜
談高花醒殊軀同情形忘迹屏仙華嶠嶠石蓮瓏瓏始分
勞燕未阻雲龍驢磨之迹馬首又東君棲學舍我作書傭
我所居兮吳山之麓百尺高樓千里極目天長雁飛江空

雲逐不見之子勞我心曲嗚乎陳君曷不少畱十年闊別
一度來游豈期此後卽感千秋魂驚旅寢淚落江流君竺
子交誼高秋字諾比千金財輕一羽君澹于祿優游文圃
自甘韭槃不羨華精天不慙遺歸願莫償峨松折翠金刀
沈鎡幸有鳳毛濟濟成行善人有後克繼青箱嗚乎哀哉
惟我與君天涯一別幽顯永分心馳素旄念結清芬志哀
表德敢謝不文

皋雲集序

碧雲千里蒼江渺然盼之子其未來寄秋心于何處況乃
關山月落曾聽阻寢候館雨涼單燭誰語意所欲白安已
于詞玉璫一緘桃水千尺鱗羽可達鄭重將之夫豪素所
託致兼情文亦有應求之士發不由中緡采綵牋浮藻盈
牘眞之不存文奚取焉彥清孝廉驚精典籍探奇恆岱鼓
檝文章之海掉鞅雅騷之林方且馳逐作者睥睨絕業筆
札小道宜非綴懷然觀其澹詞彌雋少許勝人洪纖皆宜
飢餓盡致婉而善感移我情矣是知孕珠之澤零璣亦吐
其輝積琨之圓寸璧靡掩其寶皋雲一編豈襲績淺才所
得抗手者哉僕最愛書來每愁雲阻得加餐之一紙藏囊

袖以三年宅日者渭北思君江東念我琅玕誰贈難消平
子之愁珠玉可親益盼子雲之札

[Faint bleed-through text from the reverse side of the page, including characters like '子雲', '珠玉', '可親', '益盼', '子雲之札']

報陶子珍書

子珍足下昨承手教載誦載忻若接風采計偕之役首途
不遠馳名金帖揚聲鳳飛固知巨碩非藉增重然而明廬
視艸制作須才中祕讀書咎人所貴致身青雲良宜努力
僕與子不相見久矣江雲依依每用翹結琅函珍重倍思
故人梅花掩關孤旅寡緒聊憑黃耳略貢素衷僕早服章
縫耽翫緹素往以護帷之縵盼思荅荻畫之苦心跋鼈不
前枯螢自笑自慈親見背百念灰冷雖復勉隨立鵠之班
強作曼蛾之畫得之與失已不絀襄若夫破葩苑之瓊響
揚荃流之蕤橈探寐驪之元珠抉怒鯁之碧髓頡頏古管
馳逐作者成一家之言為風氣之導雖擘星微熠妄擬金

樞之光搶鷄弱翮終遠錦苞之采私衷所結實有大願是以雪屋連曙一尺之檠尚明霜豪欲腐百鍊之思未已劇肝鉢肺所不遑惜至于攷訂遺文規詠奧義不揣薄陋近亦問途然僕以爲樸學者儒林之宏詣文章者立言之盛業華實區軌精蘊竝存故雖慕匡衡折鹿之風亦不爲子雲雕蟲之悔耳足下茂年石學掉鞅詞壇孝穆本天上石麟陳思是人閒繡虎猶復兼綜六義通覽百氏參義爰之渺理疏鴻烈之祕文踵秀水之芳躅爲東南之瓊寶思欲共席研湖晨夕奇胃互探靈悟相發庶幾織錦之機睹鮫組而生巧神鐵之用資螭火而成冶而乃勞燕各天良覲屢阻浮雲無力難逐東野之龍遠書可將惟盼北來之雁

所期明年之秋假歸梓里道出武林停君畫艫就我江館相與破蘊曾之疑義賞緘篋之奇文然後招酒徒約詞客張陰生之旗鼓談樂令之名理作十日之蟬聯亦聊以抒兩情之結轆耳一言作券勉誌勿忘川途方長諸惟自愛

杭州重建揚清祠碑
揚清祠者明按察僉事王公琦刑部郎中項公麒之合祠也夫棧駑同戀者難與言峻亮之風會鯖無忤者不足論介潔之守若乃皇衢蕤績播淑于寶行考槃寤歌矢貞于潛曜甘冰槩而無悶與義璘以爭光如二公者其無媿枌閭之表荃壇之奉乎二公皆浙之杭州人王公以永樂末年由學正擢居諫垣繡衣執法鮑宣驅御史之驄鐵冠立朝安世是殿上之虎旋厯外臺葡兵政拜章薦士風動金馬之門秉憲亭疑春生青豸之戶散南山之羣盜人盼朱旂明一路之福星惠流蒼庶敷厯中外二十餘年良吏諍臣兩無所忤項公出稍晚素魄含彩本是少微之星白雲

杭州重建揚清祠碑

揚清祠者明按察僉事王公琦刑部郎中項公麒之合祠也夫棧駑同戀者難與言峻亮之風會鯖無忤者不足論介潔之守若乃皇衢蕤績播淑于寶行考槃寤歌矢貞于潛曜甘冰槩而無悶與義璘以爭光如二公者其無媿枌閭之表荃壇之奉乎二公皆浙之杭州人王公以永樂末年由學正擢居諫垣繡衣執法鮑宣驅御史之驄鐵冠立朝安世是殿上之虎旋厯外臺葡兵政拜章薦士風動金馬之門秉憲亭疑春生青豸之戶散南山之羣盜人盼朱旂明一路之福星惠流蒼庶敷厯中外二十餘年良吏諍臣兩無所忤項公出稍晚素魄含彩本是少微之星白雲

主司乃應郎官之宿李比部正身守白韓員外斷獄據經
當英宗復辟之日天順改元之初李賢以時望秉鈞王翺
以矯情沽譽結主恩于魚水冠天寵于棘槐黃閣位尊烏
臺聲噤炙手可熱噓氣爲雲而公獨能效李善孤鳳之鳴
爲朱雲斬馬之請直節震百僚義問動四海卓然獨立負
乎莫儔矣且夫能行志者願不存于溫飽有勅操者行必
矢乎潔廉故二公之仕也矜石同持不受寸珍之餽冰壺
冷抱兼辭升酒之遺及乎脫屣纓綰歸臥故山下溟無田
衡門有水竝能濯荆璧之縞質絕秋塵之纖污采藥山頭
并謝朝廷之賜牽船岸上都無風雨之廬揆從蓋篋雙環
亦付清流庇以茅茨一廛尙資故友采薇吟而山鬼荅脫

粟罄而孺子嗁餓麟不噬詎仰乎落毛涸鱗待枯菘泣于
窮轍乃至沒身而不渝枕馘而無悔嗚乎可謂清矣論者
謂明白天順成化以來藍猺狂寇險砦漸平青鵲奇珍重
譯方謹海氛未起浙水無波生非金革之朝何取夷齊之
節又謂魯公嚴操尙修乞米之書陶令高風亦作破門之
請二公苟小夷厓岸通好里閭不絕魚饋之歡勉分雁稻
之惠聊資晚歲何損貞修終殉蟬飲之身未免鴻毛之感
凡斯枝說悉屬外篇管者令公致韭槃之譌太常甘柏谷
之餽謝方明窮塗待稿無改履貞弟五韻旬日斷炊終辭
禮餉良以浮奢之俗罔知珪璧之修懷一介以飭躬冀羣
頑之知感以彼方此異代同情且意其時士大夫必有積

珍賂競錯刀鴻都通值婆娑趨府之風禽獻望塵刺促拜
勢之習鶴性本潔詎烏合之可羣鸞飢雖叱非桐實而安
會先哲有言渴不飲盜泉其斯之謂乎二公所居同在會
城昇平巷唐僕射褚公遂良之故里也明正德時御史唐
公鳳儀按浙建坊表之曰忠清豕附棗主于僕射祠至嘉
靖時學使者孔公光奏立專祠始拓凝真之舊觀題揚清
之嘉名

聖清統序軫念先賢丹腹重新禋祀勿替寒泉菊盞非配
會于水仙古屋椒堂用棲神于秋社蓋自康熙初年重修
以來迄今又二百餘年矣粵寇扇虐吳越淪胥戎燹之餘
輪奐俱燼夫聞風而起者百代所同有廢必舉者有司之

責幸糜氛之早滌宜靈宇之重興仁和令姚君光宇于是

請于大府卽其故址庀凌雲之木鳩修月之工經始于同
治某年某月歲事於某年某月梅花山閣有殊處士之祠
松柏虛堂仍近河南之庶庶幾颯桂旂而來下長聆竽瑟
于神絃騫蘭棟以騰輝永挹湖山之秀色旣落成豕爲之
記于麗牲之石而系以辭曰

空山荒荒秋冥冥公管作歌金石聲渴掬澗水飢藜羹後
先相踵朝太清星官羽衣來相迎祠堂禿樹劫火青芝檜
重締飛雕豐靈巫擲筭吉日貞笙竽嘈嘈陳尻牲靈之來
兮雲英英千歲萬歲享此馨

縵雅堂駢體文卷六
三

縵雅堂駢體文卷七目錄

桐屋遺詩序

報李恣伯書

書煙霞萬古樓文集後

李黼堂中丞三山歸權圖序

報孫子九書

陝甘總督相國左公七十壽頌

送門人余遠帆歸新安序

黃烈婦誄

蕩絲詞序

許邁孫重刊靈芬館詞跋

生春詩錄序

靈衣館附錄

黃照

去門入余遊地

和甘肅香月園五公十詩

時

李麟堂中丞三山編

書

謝

謝

謝

緜雅堂駢體文卷七

山陰王詒壽眉叔著

桐屋遺詩序

悲夫靈鶴無言永斲歸來之羽春蠶已死猶畱吐後之絲
念儔好于生平感風流之頓盡此何克所以借玉樹而傷
裏廬陵所以撫遺編而隕涕者也小鳳沈君擢穎丹泉振
翹瓊岳焯掌竺學鏤心吐詞張郎長鬣天遣裁詩王孫通
眉早工造語僕以葶末有契苔岑文字之歡過從彌閒無
何粵寇難作僕依張刺史仁圃避地松谿之濱君亦假館
其家破帽相逢布衾可共紅燈說劍黑月聽雞幾而丁君
仲泉王君鹿亭姚君雲伯並來相依不圖風鶴之閒得此

雲龍之合或唱或和長吟短吟孤憤所寄奇采互發君騁其逸足所得尤多仲宣傷亂之詠著之以哀杜陵感時之篇濺之以淚和悲聲于鼓角吐壯思于風雲今集中所載松谿諸篇是也越數年君以優行貢成均旋領鄉薦僕亦出竊微祿南船北馬蹉跎莫面而鱗素所達雕章益工且夫抗古之業名山之資也潤今之藻天衢之華也君既掉騷林之鞅兼擅制科之文當夫糜旣電掬芬途霧闢當事者招俊髦于廣夏開文社于明湖君振袂登堂抽豪戰藪鷗絲眾奏綺桐之音彌高蛤珠錯輝結璘之采莫掩重席屢奪赤幟標辭慰農觀察馬穀山制軍皆亟偁之以爲魁墨膺值承明丹梯之登左券可執何圖神山將近天風

引還頻年琴劍空隨計吏之車一臥滄江仍理洛生之詠虞淵未迫巫陽已來茫茫大園吁其酷矣屬者丁雪塘明經訂其遺詩謀付副副僕感風義之猶存傷故人之永逝聊爲小引以當大招抑又念之君雖往矣尙得存此瑤編傳之蓺苑而丁王諸君露薜早摧墓木將拱或秋煙等散都無敬禮之遺文或零璣僅存比之吉光之片羽以君方之其亦可自憫于重泉者矣

Blank page with vertical lines, likely a placeholder for text or a diagram.

報李恣伯書

恣伯道兄足下久不通音問積思成疾春間孫子宐離尹
來得手書風誦三四如親語笑伏承東方爲郎索米不飽
李邕作碑輦金可致聚書萬卷蒔花一廬佳想安善箸述
鴻富甚休甚休足下高才碩學鳳鳴
神都四方名勝傾蓋金臺莫不聞聲輪心破廬結好頗聞
談讌時啟琴觚斯友朋之樂尤人生所難翹望健羨何能
己已詒壽無狀久處書局伏蠹不出冷螢欲枯往者書劍
初安良朋羣聚戴園一樓之上與譚仲儀王松谿施均父
陳藍洲張子虞潘儀父諸君坐則聯席寢則對牀朱墨之
暇相與張陰生之旅鼓奮君卿之脣舌聯吟石鼎之句高

續東坡詩集卷七
三
歌寶劍之篇自謂此樂足忘羈旅不圖數年之中或發迹
青雲或抗塵黃綬或囊管莫府或仗劍戎行時會驅迫澳
楸殆盡顧景落落悵然寡歡會城人海風尚百變跳蕩織
子輕薄少年競妖服以爲奇飾畫紫以相炫離騷未讀已
名士之咸稱論癡成符乃清華之自許彼固聞道而大笑
我亦敬避之不皇時或理楫言歸里門小住吟社諸子亦
如星散而生平服膺若足下者又復一別將十年遠隔三
千里猶憶臥龍山麓錦鱗橋西與子九文孺諸君夕陽打
槳訪君寓廬出新詩于衷中酌松醪于琴畔吟高花落談
深燭寒往往流連夜分踟月相送念此情事有同昨日曜
靈急轡感成曩今卜鄰之約夏復何時能遂詒壽今年四

十又九矣出則託命乎枯管居則抱景乎青甕夙願全非
清寒自守惟此友朋之樂爲生平所偏嗜亦若有妒之者
伊之杳不可得將復爲之柰何哉年來家况之窘幾于錐
地俱無兒子緯歲將近壯尙未能青一衿所忝安貧志潔
能守素風擁淵明之絮我本無慙爲孺仲之兒彼亦何忝
長女綺早適胡氏女婿梅臣食餼于庠頗具俊才科名躋
蹬乃成冰玉綺女向嘗以詩執業于足下足下曾以三絕
句題其藁所謂玉臺詩格傳嬌女解道花隨燕過牆及桃
花燕子年年事長記題詩玉帶橋者至今錦瑟嬌兒角了
小女皆伊嚶作歌曲唱也足下聞之亦爲之一解頤否今
冬尙須遣嫁次女行有日矣蕭然無辦張赤手擎空拳正

不知計將安出耳即日溽暑初退新涼漸來北地早寒順
時珍攝

書王仲瞿煙霞萬古樓文集後

大聲震咸陽之鐸崑岳之玉石亂飛怒鱗蹴錢唐之波鯨
蜃之青紅沓起決雲衝霄之翮非羽繳所能躡泛駕逸塵
之馬非羈勒所得制騰車挾霆卉木當其衝者皆灰洪根
裂石螻螳穴其中而不知斯惟具羅星握斗之才有走電
飛虹之氣奇胃所發異境乃開若吾宗仲瞿先生駢儷之
文蓋近之矣先生生有逸才幼好奇服索酒紫雲之坐浩
歌紅衫之騎談禪釵館調笙經牀故老所傳跌宕可想讀
五千卷崔儵之書上十萬言劉蕢之策久不得志退而著
述石函祕錄藜簡古葩筆堂秋拍梵林妙華咸有闡發其
書滿家今皆不可得見其可見者歛錢梅谿所香煙霞萬

古樓駢文六卷而已當其酒酣耳熱感今衷管金壺一瀉
縹雲萬疊珠玉咳唾風雨呵叱混混乎袞袞乎不自辨其
爲瑜爲瑕爲朱爲碧也其靈澤祠碑董賢席碑哀江南蕭
后論諸篇恣其瀾翻成此雲譎誠令腐生掩耳斥爲趾離
之窺詞小儒橋舌詫爲海藏之怪牒然而以韓非之孤憤
爲莊容之寓言其文愈奇其心則悲矣余少時有手鈔本
恆喜讀之竊謂其言麗而失純其體詭而越軌然鼓其一
發不可遏之盛氣以行其一決不暇擇之浩博所謂麗且
詭者若鉛之鍊而金糝之融而糜直與之俱化也混沌無
眉天地皆紫好之者病學之者死蓋自有茲體以來未有
奇橫恣肆若是者也此荆門有新刊本陳藍洲大令購以

寄余重讀一過因泚筆識之而重有感焉吾聞先生邃于
史學好言經濟明治法諳掌故使得列身丹序振徽紫微
豈不能宏措施議禮樂頡頏董晁之林揖讓夔龍之列况
乃學兼兵家善有手臂猿公之伎騰蹕若神虎鈴之經變
化在我熊渠躅虎早擅飲羽之能景宗逐麀能馳如龍之
馬鼓鼙忽動師旅寄之建蜚弧張雕弓出蜚狐踰白龍亦
何豕不能血尸逐膊溫馬厲李將軍無雙之才氣博班定
遠萬里之侯封而乃文不能挂名于朝籍武不得蕤績于
邊庭跼弛放宕以終其生歎藉此一寸錦心之血傳千秋
畸士之名不亦可慨也哉

夫輪鞅皇途者阻賞于巖壑羈組縫掖者局迹于衡閭然
 則償縱游之願其亦由福慧之鍾乎長沙李黼堂先生珠
 水神光瓊嶽秀氣青年建節黑頭抽簪采藥雲深尋煙林
 迥持仙人九節之杖胥脚未衰志名山五岳之游襟期自
 遠言探勝迹豕作浙游浙固多佳山水而奇麗幽特為東
 南冠者有三山焉秀出東溟峭凌南嶠赧光純赤靈氣之
 所鬱盤桃花古春仙真之所棲息則台之天台山也茗亭
 插玉窈窕浮煙深洞鳴濤蒼諸天之鐘鼓法雲出岫朝大
 海之魚龍則甬之普陀山也若乃砵厓雷吼景落銀河之
 波迴峰翠寒秋淨玉池之水雪練萬古雲磴百盤有雁宕

李黼堂中丞三山歸權圖序

夫輪鞅皇途者阻賞于巖壑羈組縫掖者局迹于衡閭然
 則償縱游之願其亦由福慧之鍾乎長沙李黼堂先生珠
 水神光瓊嶽秀氣青年建節黑頭抽簪采藥雲深尋煙林
 迥持仙人九節之杖胥脚未衰志名山五岳之游襟期自
 遠言探勝迹豕作浙游浙固多佳山水而奇麗幽特為東
 南冠者有三山焉秀出東溟峭凌南嶠赧光純赤靈氣之
 所鬱盤桃花古春仙真之所棲息則台之天台山也茗亭
 插玉窈窕浮煙深洞鳴濤蒼諸天之鐘鼓法雲出岫朝大
 海之魚龍則甬之普陀山也若乃砵厓雷吼景落銀河之
 波迴峰翠寒秋淨玉池之水雪練萬古雲磴百盤有雁宕

之靈奇實甌江之形勝是三山者洵乎冠羣峰而躡絕為
 游客所樂談擬以神山亦園嶠蓬壺之列矣先生既飛湘
 水之帆艤明湖之櫂舉首天外揚舲海東采芝之侶相攜
 夫二三踏雲之躋往來乎千里于是屏車騎挈尊榼履峯
 峯穿窳窳濯足石梁之流振衣夫容之頂狎頻伽之翠羽
 翫靈湫之玉龍皆擘窠大書磨厓紀勝鬱羆虎之偉狀壯
 登陟之大觀先生游三山皆磨厓雷題天台曰天下第一
 月旦定一字之評又評天台以雄勝普陀以幽勝雁
 得人外之趣幽賞既徧奇句滿囊乃揖洪厓別浮邱泛鷁
 首乘長風而歸蓋自辛未徂壬申而三山之游始畢也爰
 託練素傳之丹青集芬苑之雕章增海天之佳話詒壽竊

惟先生湖海豪氣軍國鉅才抽颿急流蠟屐名岨登高岡
 而極目窮遐覽之浩渺寰宇無塵煙水一碧迴思當日者
 際中原之多事屹江表之長城開府視師揚旌仗鉞雷鼓
 四動羽檄交馳入耳皆譁卸之聲觸目盡戈鋌之氣當必
 快澄清之再見慨人事之易遷而東望滄溟之中鴻波浩
 蕩鱸殿鼓腥番舶上下諸島隱見得無有興博望棄槎之
 懷動楊僕樓船之志者乎竊又聞之風雲之變吐納之機
 也江山之美文章之助也在管龍門放迹探崆峒禹穴之
 奇麟經繼言發金匱石室之祕比者先生亦有徵獻錄之
 著固知靈源所會雄才益拓標史家之別幟為一代之鉅
 觀千秋之業古今輝映不更盛與承命為文辭勿能獲載

欽宏抱勉綴儷篇尋李謫仙夢游之境我不免青山見謝
想謝太傅邱壑之情公須念蒼生久待

報孫子九書

退窻足下書來詢近狀殷殷厚意雒誦生感壽與足下別
又三年矣前者虎林見訪良愜鄙衷乃以病軀不能與足
下踏吳山之白雲尋西冷之晚桂爲歉然耳自爾以後病
日加劇偃息衾席家至歲闌壽植幹雖臞得氣非薄猶憶
結社東皋聯吟宵館開壁壘張旂鼓往往雄雞三號鏖戰
未已諸君多意倦乞休而壽方抽思騁豪賈其餘勇又或
探梅前邨尋碑野寺三里五里朝行夕行輒同黃犢之健
無藉蹇驢之俗斯皆足下所與其者曾無幾時衰癯日增
偶致深沈之思則心同旌搖小展流連之步則氣甚牛喘
良由數年以來積疾莫瘳兒女之事煎迫日亟愁能銷骨

病易成翁潘鬢告秋江花欲墜如何如何今秋一利幾歿
鬼伯見舍復存人閒上冬之月辱體未復又遣嫁次女壽
既無淵明下溷之田誰應陳湯鄉里之句雖賒田孀之布
惟製青綈織女兒之箱但須黃竹而蒼玉小璣之飾詎能
盡捐漢書木屐之風難行今日加以賣隱之之犬廚帳誰
供牽敬弘之羊禮不可廢一事之集一物之細動須阿堵
輒復周章今雖竣事而一甕長物都付長生百衲古琴亦
售賤值力已瘁矣困亦甚矣歲聿云暮北風振厲永漏無
寐憂何能已忽復念里鄰之中戚舊之內往往素髮垂領
黃口始嘯五嶽空囊百年易邁而壽才近伯玉知非之年
已數向子生平之願則又自用解嘲翻然而喜凡此裹抱

惟可歎喻苟非相知之深如足下亦豈足舉府鬲以相告
邪楮墨之事日益荒落友朋良覲渺若雲天即日尚須西
渡謀卒歲資心緒煩劣艸艸佈臆不盡欲言

陝甘總督相國左公七十壽頌
皇帝御宇之五年龍堆拓地鯁海從風九塞無塵八埏洽
慶于是陝甘總督東閣大學士左公春秋六十八矣聞之
有經天緯地之略必有難老之厚植以濟之當
提釐龔慶之朝必有曼齡之碩德以輔之在管龍紀分官
雲師命氏鳥明爲建福之主天老握乾籙之符箕乎遐哉
莫得而尙矣若乃白旄奏績昆吾銘尙父之勳黃髮調元
靈壽錫師臣之杖羅侍中歲躋耄耄管庶事三十六曹郭
令公身繫安危歷中書二十四考江東宰相蛇鶴徵其長
年潞國精神龍馬同其天賦咸皆騰綸扉之美譽播紫殿
之淑風翼翼贊贊麟舄乎百世公東垣上宿中湘偉人才

陝甘總督相國左公七十壽頌

皇帝御宇之五年龍堆拓地鯁海從風九塞無塵八埏洽
慶于是陝甘總督東閣大學士左公春秋六十八矣聞之
有經天緯地之略必有難老之厚植以濟之當
提釐龔慶之朝必有曼齡之碩德以輔之在管龍紀分官
雲師命氏鳥明爲建福之主天老握乾籙之符箕乎遐哉
莫得而尙矣若乃白旄奏績昆吾銘尙父之勳黃髮調元
靈壽錫師臣之杖羅侍中歲躋耄耄管庶事三十六曹郭
令公身繫安危歷中書二十四考江東宰相蛇鶴徵其長
年潞國精神龍馬同其天賦咸皆騰綸扉之美譽播紫殿
之淑風翼翼贊贊麟舄乎百世公東垣上宿中湘偉人才

兼九能學包百氏經綸握于掌內甲兵藏之胷中起家孝廉之科高議征南之幕屬粵寇滔天妖氛匝地兵連吳楚旣結東南公以成鄉辦賊之才爲畱侯偕箸之策銀刀練士熊羆成山岳之軍神筆運籌蛇鳥變風雲之色揚旂乎鄂渚振旅乎衡陽露布上其勳勞

備坐識其姓氏乃受命益咸豐十一年十二月也文宗顯皇帝特達之知擢自幕官升之顯列冰銜屢換玉節旋命益咸豐十一年十二月也

頒不二年家拜巡撫浙江督辦軍務之命益咸豐十一年十二月也未旣擢督浙閩仍兼巡撫時則雲霾鳳嶺火炤鼉江百城哀角鮮老羆白棒之當千里

雕旂甚飛燕黑山之眾公馳驅許

國慷慨誓師審形勢于山川建大將之旂鼓分命將領激揚武怒羅平妖鳥先驅東浙之氛天目飛龍進占西吳之利祕策運而神鬼會長鞭指而士馬騰如雷如霆大鞞大膊全浙旣靖鼓行而前殲南都之竄孽五領飛旌截東走之殘氛三江飲馬惟茲狂寇恣披猖虓張十餘年蛇食萬餘里一旦風卷電掣霧滅煙銷咎者晉公仗鉞淮西之功首歸光弼行軍中興之臣弟一方之今日何多讓焉旣而

朝廷以西陲不靖移公督陝甘虎牙高建馬首初臨先率諸軍會剿逆稔事平家

觀京師

鳳城按轡選

上殿之龍媒象簡朝

天對

玉階之仙仗

溫綸稠疊

寵禮有加焉且夫荒僻之不勞遐征者窮漠以豢鳥獸也

巨慝之必彰

天討者千世不容驅狼也逆回犬羊餘孽狐鼠為羣窟營

蔥嶺本為釜底之魂醜結花門屢扇旄頭之燄

國家軫丹野之慘視朱厓之捐偶

湯斧之稽誅益

堯天之自外虔劉我邊境侵占我封圻銅鼓雷鳴金弧夜

掩民口恣其驅掠出沒任其跳踉公躬承

帝命統旅專征黃鉞一麾墨雲四裂百戰百勝之略九天

九地之兵寶劍橫磨盜壕迅剗秋風玉帳仍飛都護之書

夜月金笳重固靈關之守于是險高關指昆伊踐飛狐躡

烏蓋陰山急雪飛騎先登古磧黃雲異軍突起悉復開邊

之故地進犁老上之龍庭竇將軍勒燕然石無此威聲霍

嫖姚封狼居胥遜茲遠略龍驤虎步揚我

皇靈東蕩西除連平大寇

天子嘉其功剖青珪進黃閣鍾銘鼎懋矣盛矣公外宣

壯猶內存宏濟用兵之隙敷政尤勤卽其大端蓋可略述
當戈馬紛騰之後正斯文凋落之時人鄙談經俗多佩劍
公以爲詩書者布化之基也人才者爲治之本也故其在
浙也青編校字首刊甲部之經其在陝也秋賦徵才特創
萬閒之夏賢者之識在大王政之首惟儒而士氣于是乎
振戎燹所及鐻鎛勿時加葭戾之頻仍致凶荒之屢告甚
矣其憊民將何堪公卹鄰援南楚之饑何啻絳舟之泛發
粟周西秦之困不惟金帶之施賦饋粥于都亭無限乎千
戶萬戶捐祿入于餽歲奚域乎損四損三頌徧殘黎春迴
大地而民瘼于是乎起軍興彌紀政令不修百里之長再
命之吏或縱情于橋虔或委心乎忽快公冰清率下鏡明

照人所至舉廉能察昏墨除其陋獎勸以規條南陽理狀
之上賢令予以遷階趙郡威惠所行狡吏因之改貫列州
仰其風鯁百職畏其霜稜莫不競厲新圖頓翻故習而吏
治于是乎飭至于今者天涯息戰絕幕開疆撫萬里以推
恩遴羣僚而分職莫不

宸謨上稟碩畫宏抒于是秋簡三軍築障嚴黃花之戍其
定兵制也有然春濃五柳脫甲拜靈星之祠其講屯田也
有然沃野美因渠之溉鴻陂導流則有興水利之政焉重
金置通養之民龍精浴種則有教蠶桑之政焉鉅綱旣舉
德風載揚豈特雲開玉壘重睹漢官之威儀冢令
化洽甌廬共沐

熙朝之雨露斯尤中外敷一視之仁創置垂萬世之利者
矣以洪伐若彼以茂績若此加以公忠體

國翼弼傾心嘉謨屢告安人濟世之誠奏艸爭傳杜斷房
謀之望允宐光生上袞慶集繡裳霖雨造蒼生之福百祿
天酬旂常仰

奎翰之衰期頤

帝祝屠維紀歲良月應時豫開七秩之觴重拜

九重之賜轅門將吏饒吹騰歡幕府賓僚詠歌摘藻凡夫
振纓佩玉之倫以至被褐負耒之眾罔不頌手稱祝翹首
傾忱某等浙水鯁生海邦下士迴瞻鄉國曾蒙再造之休
載盼旌幢倍慕仁人之宇恭逢令旦遙企崇階竅以方瞳

鐵齒浪進浮詞固知玉固金堅偏鍾駿德香縈畫戟願長

開益壽之花墨蘸金壺敬上獻恆春之頌其辭曰

絳霄鬱靈黃宰儲珍元氣鼓蕩篤生偉人補天浴日爲柱
石臣義奮爲秋仁育成春惟初東南妖火四照連城虎踞
積歲鷓鴣叫吳越之區腥氛誰掃公滌蕩之乃返熙暉西北
搆亂民困勿紓惟公仗鉞載馳載驅青犢虬黨蒼鶻醜徒
妖囂亂領宵歸芟屠乃展虹旌乃拓麟甸區脫無胡衣冠
復漢公之天威百世稀見春度玉門令肅金劍金劍煌煌
玉門堂堂千里萬里無外龍荒煙鋤隰艸雲栽陌桑招彼
黔兆適茲樂鄉匝宇欽風絲區被澤緝福天降
寵命

帝錫凡百士庶莫不感悅詎吟禱祈如月如日日升兮月
恆世曼壽兮樂
昇平春融融兮無既瞻望鈴閣兮願獻瑤觥維南有極西
長庚祝公眉壽三千齡

送門人余遠帆歸新安序

新安余生遠帆古香觀察之孫也侍祖庭之杖履隨宦轍
于浙中謝郎竟體疑有芳蘭陸機少年已擅賦筆虛衷好
問竺嗜篇籍僕時以校經居會城之戴氏聽園遠帆亦假
榻焉猥以老馬之識豕執元雁之幣晨露沐硯夕蟾瞪曠
研朱勘經浮白讀史奇字待問愧非子雲之亭忘年可交
乃結何郎之契破索孜孜無閒暄肅明年己丑維夏之季
將以省試赴金陵豕歸新安舊居束被囊書倦勇告行渺
白雲其滿江瑟秋風之將至舉祖觴于花下索臨別之贈
言僕嘗謂士生世間不越出處兩途魁墨榜排金門扇芬
承明揚聲紫微奉屬車之清塵奏卷阿之浩唱青雲致身

誠足自豪然有一境也家承詩禮地擅湖山有廬足以蔽
雨風有田足以給衣食門鮮俗客架富良書于是乎攷鏡
與贖關覽古今成一家之言訂名山之業是亦士人之極
遇吾鄙所難能者矣故今日以科第期遠帆誠人情之恆
亦意內之事而僕之意則更有進者夫女媧搏人半皆黃
土儒冠多詎常泣青衫于千百人中歎賦以冰雪之質生
之清華之門遠帆之得天良厚加以居重蔭之下無流俗
之好雅志習靜抗心希古則益將閉宇文之戶燃思禮之
燭激芳潤于藝圃咀精英于藻區庶尙友夫古人乃合軌
乎作者然則區區一科一第又何足爲遠帆榮哉遠帆勉
旃士不患無名而患學不成得失勿絀裏吾益葆吾貞僕

固知遠帆之志之有在也故以一言贈其行

漫雅堂馬龍文卷七

黃烈婦誄

烈婦曾恭人新淦黃文學之室也璘苑朗姿翠水仙魄縹緗世胄幼讀大家之書窈窕清閨長流淑女之懿年十九歸文學君寶釵既燦覲君子之光儀珍服勿夸有林下之風範拈蘭箴以佐讀洗莢手以調羹尊章意愉娣姒美合既而文學君之兄黼堂太守服官于浙舉室從行雲天浩蕩阿鴻先見其高摩廡舍東西士龍不嫌于共止落花庭靜卽是春令之原玉軫聲調不奏雉飛之曲何期綵雲易散罡風橫吹天上樓成人間瘴短茂陵一病馬卿無復起之時風燭一朝庾信有傷心之感蓋文學之歿爲咸豐丁巳正月二十八日其年僅三十也恭人傾河有淚呼天無

門身百灰其何辭腸九迴而靡已素帷風冷麻衣之泣何
人錦瑟兒嬌黃嬾之嗔方亟此則相從之志白日既炤其
精誠未亾之身餘生暫寄乎旦暮者也踰年茹痛入地尋
盟卒以戊午四月二十七日自經于甬江官舍白璧可碎
黃金不渝素室霜濃泉臺月滿烏乎哀哉夫女節之亮殉
軀爲上要其所致不無少區管者精感連枝之木迹畱摩
笄之山皮金翦字玉骨餘灰後之香粉筆題門銀鐙炤未
成之畫何嘗不著清芬于彤史邁喬節于青陵然而隨雄
單鵠效其命于倉皇投海冤禽迫在山之羅網未有桐樹
挺半枯之枝柏舟覆見奪之變從容盡職慷慨捐生如恭
人者可以謂之烈矣可以謂之難矣浙大吏旣上其事于

朝榮以綽楔今嗣君學良復分司鹽運于浙同社友會稽
陶君文冲近託密戚追溯清徽以爲浮生一時姱節千古
揚茲懿美實資藻詞乃次其事略屬爲誄言詒壽受簡莫
辭循文起敬素旒何處層城渺仙馭之雲芳軌長畱鏤管
補貞姜之傳其詞曰

淦水洋洋旣清且漣珠源鍾淑葩濯鮮乃生女貞坤儀
穆穆紛其內美含芬佩馥嘉偶曰妃祥女來歸無雙叔度
家術之輝星窗警晨繡鐙坐夕勸我夫子勤此芸帙兄伯
出守盡室偕行梅鶴眷屬金玉友昆甬江迴青越山聳碧
雁行旣聯鸚翼不隔巫咸忽下鬼伯來親通眉無壽病骨
不春濛濛上圓胡酷至此哀哀未亾計惟一灰一灰固甘

忍灰非戀古水湛曾熱淚洗面撫孤歎湑忽忽踰年畢命
素練相見黃泉黃泉兮有知相見兮勿悲夫容城兮花離
離攀瓊英兮有所思所思兮何處咀冰蕤兮瑤池蘭何馨
兮玉何堅婉矜見謫兮來人間人閒不可以久住從夫君
兮雲袂蹁躑遺嫩烈兮千祀緜清風兮後昆永傳

蘇東坡詩曰
蘇東坡詩曰
蘇東坡詩曰
蘇東坡詩曰
蘇東坡詩曰
蘇東坡詩曰
蘇東坡詩曰
蘇東坡詩曰
蘇東坡詩曰
蘇東坡詩曰

萬絲詞序

萬絲詞二卷續溪汪君詩圃之所作也余未嘗識汪君門
人休甯余遠帆數數為余偁君賢且精倚聲則心焉識之
庚辰夏遠帆自其鄉來家攜君此編見示且述君意屬點
定而加弁焉巵蘭展卷奇葩豔眸若乃翠屏春悄玉鑪香
溫明漪鏡花媚闌角之衫景小扇兜絮墮簾尾之蜨痕其
婉麗也斷紅怨雨零香怯風透斜月于碧紗瑤瑟獨語阻
洞房之秋癡銀鐙無言其悽惋也加以薄煙乍銷山翠淺
于新竹秋病初可人瘦比于黃花其疏倩又如此蘼蕪干
里吹角夕陽之樓夫容隔江打槳西洲之渡其緜渺又如
此此其寄紆迴之思發婉轉之聲有芳潔之夙儲謝叫奴

之偶涉充其所詣蓋駸駸乎分蘭畹之香吹梅邊之笛矣
吾聞績溪大好山水石照之麓翠睂之亭二蘇之遺迹在
焉讀君之詞想君之所居又安得于溪光嵐景中攜松淥
之一瓢款深柳之十笏捉枝代塵枝帶坐花與之論協律
順度之微究意內言外之旨探風騷之靈源極聲情之眇
趣爰乃發浩歌騰清唱當必有操縵動眾山之響刺船移
海上之情者嗟乎奏瑤笙于天上君定詞仙悲落葉于風
前我原秋士鬢絲如此綺語將除愈唱愈高勉惟君子

許邁孫重刊靈芬館詞跋

邁孫先生靈抱浣月吟吻粲花握雲機之九張是工眾製
疊水調之百闕最擅倚聲漱玉液于露葩紉蘭馨于秋佩
冥契馱結靈芬是師古佛之事鑄同黃金私淑之俾鐫之
翠琬邁孫于國朝諸家詞中尤嗜類瑤杼所出瓊絲合
奏矣海桑婁變雲葉匙遺先生慨焉乃發襲芸之藏付雕
梨之手仍其三種合此一編爰以校字得快先覩夫緣情
造端導源樂府令慢代擅風騷未亾洎近世之名流亦清
辭之踵起然或銅絃鐵綽寄情于豪宕融朱冶粉刻意于
娥曼矜其一體終成單絃吳江扇微郢歌應節抗墜善變
婉轉工思緝冰緒于眾家激霜亮于空吹疑前身爲明月

是芬途之導師墜響不振來學安式先生是舉不甚盛與抑又知先生架富瓊甬性耽瓊祕凡昭代諸家之詞或有流傳未廣珍鏤已灰莫不揆笛裏之新聲訂梅邊之小譜玉牋親寫綠笈深緘自茲以往意且以次付刊庶幾棲塵秋瑟竝調待絕之朱絃入手元珠彌煥未沈之綺彩則是編之出爲嚆矢矣僕也早嗜言情粗知按譜宗風未昧願同一瓣之心香文章有神請以斯言爲息壤

生春詩錄序

生春詩錄一卷凡詩三十首已卯歲暮黼堂先生詠懷憶舊之作其體則效元白何處春深好也先生以青蓮金粟之身抱鄴侯鎌子之骨辭榮早歲樂志清時俗琴歌以爲娛合蘿袞以一視笠屐入畫巖壑多情固已心寄崇霞之表人羨地行之仙矣然而碧山學士雖銀魚之早焚玉局詞豪耿瓊樓其終倦其忠愛纏絲之思篇什之中恆三致意焉風雪歲闌擁鑪人靜載酒之客今雨不來採梅之驢泥滑沮出猷酌不醉隨感成吟蓋其爲名臣之後抱宏濟之才拜

命

殿前樹績江表持英蕩而按部舉赤帷以行春南樓風月
庾元規開府之年官柳旌旂陶士行督師之日迴首春婆
之寢敢忘

聖主之

恩泊乎秋風移病湘水歸帆雲中采藥卽是神仙海上看

山皆成圖畫先生曾編歷天台雁宕普陀之勝繪三山歸權圖付鳳毛于賢嗣結

鷗舍于明湖野亭問柳豈無聯騎之賓朋松風掩關大有

箸書之歲月閑身

許乞容老子以婆娑憶事興襄得風人之旨趣故其清響

曼玉環采鍾霞杜浣花之雄才事惟直寫劉文房之嚴律

比之長城視彼汎緝翬花浪填月露蛺蝶成體麒麟号接

曾何足當吹劒之一映乎詒壽秋士愁多冬心冷抱辱承
授簡聊綴小文欲云引喙之簫竊附前驅之弩蓋一再諷
誦已不覺春氣拂拂從豪吻間生矣

詩曰不覺春暎時
賦對蓬閣主人之旨
題其詩
楚辭
小文
楚文
長則
之
能
論
道
之
益
益
之
再
展
晉
何
風
當
大
論
之
一
規
平
前
無
外
士
欲
定
冬
心
存
自
獲
美

緜雅堂駢體文卷八目錄

九招

七歎

士效																				
----	--	--	--	--	--	--	--	--	--	--	--	--	--	--	--	--	--	--	--	--

續雅堂駢體文卷八

山陰王詒壽眉叔著

九招

敘曰靈均善怨歌楚些以招魂宋玉工愁賦悲秋于九辯
 言之長也寄所託焉僕以下才拙于詭遇念美人之易算
 嗟羈旅之無聊大江蒼波渺孤蹤其安寄靈秋白月耿申
 且以不暝不無愴悅安默語言用效吳客之設餽仍段巫
 陽之本旨成文十首命曰九招匪敢爭玉軌于騷林亦藉
 寫瑤情于鏤管爾

潛虛子戾時選俗沈屯倉狼排荆迤棘動得咎殃乃飛神
 乎寥邈之域棲景乎杳冥之鄉結山鬼以為伍蔽元霧以

自藏謝溷迹于埃壤寧隨化于大荒于是真宰聞焉乃告元修大夫曰若有人兮猷立離世吾欲招之俾如厥志子其爲我善辭以道也元修大夫乃載曳星之旌策籥雲之騎凌蒼茫窮幽邃造潛虛子之所居而請曰吾子擢丹瓊之華抱皎璧之質龍章鳳姿閒世而出達則淑風宣于王途塞則貞修尊于磐室將使良道寶行爲時楷則何爲寥寥蕭蕭踽踽涼涼棄冠服捐文章周旋乎飛燐之野儻何乎跳狴之場隔昭途而寂處付恆幹于若忘今者吾以真宰之命招子幸子明以告我潛虛子曰大地搏搏闢此世路張機設網不可以步況吾之生也若緣蝨若綴旒鬱煩居而襍處徒行歎而坐愁誠不若委吾身于亾何有之天

逐太虛而優游大夫曰不然此子不得志于時之說也今承嘉命將沛厚澤厥有數端惟子所擇潛虛子曰唯唯願安承教

大夫曰今將俾子以投時之筆奪錦之才步鼇峰而金蠡題雁圖而墨輝袍柳碧染巾花絳蕤曲江之翠幙高列天街之寶馬飛來于是摛象笏振玉珂瞻龍袞拜鸞坡青簡領著作之鉅朱絃奏頌聲之和朝趨則芝鼎香近夕歸而蓮炬光多迴翔禁林出入臺閣旣厭承明爰拜牧岳紐金龜而右顧節玉虎而高握奏鳴笳以清路列畫戟而衛幄豕乃飭威儀踞穹隆鵠峙絳褶鱣鏗華鐘高轅始啟百職趨風畫諾成鳳噓氣爲龍威令暢乎遐邇榮問扇于華戎

秩進八州之督恩加萬戶之封旋就徵乎丹詔夏入輔乎
紫宮黃扉元老黑頭三公領十年之宰相乃初服而雍容
此誠極人生之快意當亦吾子所樂從

潛虛子曰紫魚結佩紺狨據席尊則尊矣不如椒帶箕踞
之爲逸也虎毛簇騎鶴擎憑軒赫則赫矣不如鞞履徒步
之爲安也若乃星膈魁彥霓裳眾仙瓊瑰竝列乎鋤石鷄
雀襍襲于芝田尤志士之所浩歎古今之所同然若是者
非吾之所願往也

大夫曰有一境焉穹資雄據敦業坐操甲庫乙庫黃標紫
標絹彌南山之樹金編北邙之郊螿碧縹而莎積窟青甍
而綺交較珠璣以衡石充琦珍于櫪櫟用能陂池擬海蹠

角量谷連邃窳以堆紅繚修隴而漫綠錦衣之僮于指雕
華之車百轂乃結翠龍而開宴評青鴝以呼賓門趨珠鞞
之客廡走碧鞞之羣騁錦綺而襍襲鬪奇貝以璘彬則有
拜車塵仰顏色媚行煙視情態百出勾貨紛紜陳請駱驛
爰高坐以指揮舉千金而一擲此亦足以吐一時之氣令
世俗望之而嘖嘖吾子其能勉爲之往乎

潛虛子曰東海豪客西蜀鼎門盛衰隨化倏嘒餒魂賜拜
銅山家傳金穴曾不轉瞬委骨荆棘且夫鼯鼠勺飲不須
江河一人之身所糜幾何徒累貞疇之惠或貽爭攘之戈
故宣聖有貴乎貧樂疏廣無取乎財多子以是招僕其以
僕爲附羶之蠹乎

大夫曰然則富貴皆非子所願矣抑子亦未知富貴之樂耳爰有芳壇鏡砥重櫺玉問朱靄窈窕碧敞隆夏閭鬼崑兮辛楣堂昉昉兮蘭序繚壁則銀螭塗椒連樓則銅鱗疊瓦其中有齠寮洞月元鋪鏤雲金釭垂帶藻網承塵頽瑯帖牖翳蕩綠門仙靈螭鳳圖畫繽紛雕櫳之鈿五色黼屏之綺九文葩毳綠而窠鶴流蘇絳而走麟亦有離榭柳藏別苑花啓珍叢蕤素琅柯綴紫翼高亭以虹騫矗畫岑而鵠起嘯蕩架之翠衣泳芳沼之朱尾豕乃步展瑟塵坐移桂席春風憑琪闌之晨秋蟾翫綃曲之夕迨暑則涼堂黃簟之牀避凜則邃幄紅爐之室有境皆仙惟吾所適又何羨乎天堂半千之居香風楚客之宅此宮室之美也吾子

亦願處之乎
潛虛子曰高棟冠雲金漚耀旭以齊物論之一蓬戶而繩樞也連街窳窳包山增盤以幻景視之一賁如而宰如也結茆可以蔽風雨支藜可以適寢魂何朱門之足羨何藻飾之足云若是者吾不願往也

大夫曰不但此也復有紅妝趙女素面燕姬輔小桃潤鬢曼蘭欹秀螭宛頸修蛾曲眉纖穠異態娉淑千儀或蜨裊而銀泥或蟬衫而金縷帶颺颺其錦鴛翹飛飛兮翠羽乍娛光以眇視脈淺笑而無語旋含態以徐前羌旅進而有矩于是調瑤瑟絃繡箏嘒紫篴叫玉笙縈迴采菱之曲激楚揚荷之聲竹枝之越調閒作子夜之吳歛亦呈裊文梁

續雅堂集卷八
之靡均過綵雲而不行既而蠻鼉節促迴鸞裏揚返霄宛
轉擡袂低昂悅利履之步恹乃輕軀之風翔既孤蹇而飄
忽又雙進而頡頏洛水驚鴻之景金谷倒龍之裝蹴飛英
而點席蹙廣飀而皺香俄焉日落華堂暮迥衫色花融釵
光月引甲煎騰煙蘭膏交景迷離恹恹不可殫盡主人顧
笑珠評翠品咸悅魄而美魂爰飛觴而擲錦此聲色之盛
或吾子之所樂乎

潛虛子笑曰折肱齟齬爭織妍豔歌鳴嗚世所憐箏琶之
耳洗不得白雲何處湘娥絃且吾翫麗華于雲鳥聆琴筑
于澗泉高舞鐵如意長歌明月篇海波爲之噴涌林鶴爲
之盤旋又何必車子獻伎譽姐當筵紛耀節之襍襲始足

爲之流連乎

大夫曰又不但此也聲色既盛服御尙矣冠子以綺璫纏
蟬之冠曳子以綠華飛翻之履繫子以黃金耀麟之鞶佩
子以青珊盤龍之璐粉粉裊裊被服生光春則萋組霞襲
芊縠風揚夏則輕紗雪皎襪紈冰涼時而秋也金絲薄扈
纈纈雲而郁郁時而冬也元裘豐雍騰氈采而煌煌加以
珂雪塵裝羅緋囊繡搭膝鏤肥申臂麝瘳控寶轡以電飛
啾玉鸞其風鬪紛挾袖以擎箱爛翁赫而馳驟言入其室
玢玢琳琳茱萸百子之帳夫容七襄之衾鴛綾之被絳翠
鸞茸之褥展金瓊筓蒞溢絡荔絳邃幰重幙香霧晝陰
縣玲綴玓微風振音此服物之都美亦生人之所欽吾子

其有意否也

潛虛子曰芟衣容裳三閭氏之初服麋裘緇布晏大夫之高風若乃麗衣珍飾猗靡蒙茸斯飛蜉之楚羽非大雅之雍容吾願不及此也

大夫曰又不但此也爰有鄴中翠蹠之駝洛下錦尾之鹿唐宮紅虯之脯漢苑青鮫之肉猩脣凝脂熊白剖玉雀領秋黃鳧翁春綠梁谿文鯉頰鱗卅六醴泉朱鼈百碧珠簇于是召饗子飭中庖滌霞綺揮霜刀蕪蘭蘇轅桂瓢乳香點醴花紅椽椒綺肌麋而芬沃膩雪膚飛而金槃高郁四溢之必莩齊五味而和調而乃陳莘筮啟駢筵招賓朋羅珍鮮犀角橫筋龍頭飛泉蒲桃鄴隊瓌椀銀船嘉醕鴻進

異品蟬連加以御宿白粲盧城香米蒸以爲餐皎若雲子兼織餅之甘滑又瓊糜之軟美竝足以潤華池而益津鬱清馥以畱齒此所謂極天下之滋味雖麟廚鳳庖無足弁此者也吾子貧瘁之士麤食醯餐口不知大官之味腹惟充黃齋之香其亦願往膏之乎

潛虛子曰行庖幡幡夥炙致清吾以爲肉食之鄙不若菜羹之馨也方丈術術揀珠選玉吾以爲飽厭珍羞不如飢甘脫粟也況乎鯉濃沓進疾之所藏天物暴殘聖之所傷故老時戒口味之爽顏子樂簞瓢之常吾子休矣吾豈以口腹之奉移吾心乎

大夫曰嘻吾誠不識子之何心矣雖然猶有一境請更爲

子言之若乃貴承都護住近居延以射獵爲勤播領部落
于控弦白艸朔野黃雲胡天美盧振毛而欲奮猛翻決風
而待養于是驅追駮之輪選飛電之矢伐輓雷之鼓建裊
虹之幟或縹或緇亦步亦騎包崑布圍擊宵張翳高煙欲
歎錫駭天地爾乃麟豪豨剖貪狼腦斑鹿肉黃羊雄羆魄
失修狴走僵猊顛飲羽虎蹶逸倂恐想辟易莫可潛藏亦
有掠莽朱鷄沖煙蒼鶴俊莛霄戾焦鳳雲啄宛宜糾亂紛
錦飄泊弓無虛鳴應聲而落旣而肆若殯布帷氈銀罽淋
皿金刀割鮮胙炙釜磊捫酒澗連蕃兒碧袖美女冰絃嘈
嘈棖棖踳踳躑躑絡驛勸飲如鱷吸川然後縛生藉肉振
旅言旋計禽行賞刀綺滿前華鐙宵宴鏡吹喧填斯豪士

所快意極田獵之壯觀或者吾子之所樂從者其在是乎
潛虛子曰餓鴟箭辟列弓騎快馬如游龍渴飲黃麀血耳
後生長風此固曹景宗所謂樂而忘死者也然吾人之生
也託身緹素之業揖情道藝之塗則獵麟鸞于芬苑羅瓊
奇于荃畚驅雉囿之凡羽網驪淵之明珠亦足以自雄其
意氣何必絕山谷而馳驅若是者吾又不願徃也

大夫曰人間之盛單矣然則子將厭塵壤之溷溷而志巢
神山乎痛艸露之涓涓而心棲元關乎今且俾子以綠脈
之目金骨體名緹青札通素書蘭宮玉女助丹竈柏囊仙
童傾珉腴遺以九節綠玉杖高策萬里青虬駒紫磨赤豹
雍左右仙樂前導笙簧等而乃凌雲咀翔神瀛涉元圃攀

赤城九華岑綺千蕤峩青瑤海麟鳳之室洞天瓊花之庭
惟吾意之所適駕沖飈而飛行則有金莖神娥玉葉仙子
碧落侍郎青牛道士擷岷嶮芝田之香挈靈渠桃花之醴
剖雪谷之冰黎陳朱神之縹李鼓瑟山應投壺天喜羽爵
飛而彤靄流玲簫和而清歌起歌曰攀桂旂兮白雲鄉酌
黃露兮餐天漿千秋萬歲兮樂未央歌聲未絕天葩墮前
縞鶴高唳元龍下旋斯時也感蟪蛄之易化析金石之永
堅畫長歎而起舞振銖衷而上竇此神仙之樂固熊經鳥
伸者之所慕也然而駐顏有藥換骨無丹聞風之居終不
可于子則仙秉天賦不必聚三花脫五濁已得飛玉宇而
凌高寒往哉其無所疑矣

潛虛子曰神仙之事惚兮恍兮段誠有之則必合神山之
儔侶講妙道之角垠謁官府于上界受法籙于紫宸吾亦
安能忍而爲此以期接手乎上真且吾以天地爲穹廡以
元氣爲儔伍道播乎海山之杳冥依個乎雲煙之渙聚亦
何以異御列子之風而仗衛叔之羽乎
大夫沈思久之乃悅然而笑曰噫吾知之矣今者天旣厭
亂人皆思治行將驅犬羊于寓內翦鱸鯢于澥次萬里合
軌四塞無事埜絕宵哭之聲邨野呼之吏乃有碧山之
麓魚梁之西虛堂背郭短垣循谿地饒桂筍窗窳鳧鷖長
松十樹五樹幽鳥朝唳暮唳階緣落繡門捎竹低水檻則
游鯉可釣葑亭則花景常棲買鄰接漁樵之里通徑隔輪

鞅之蹊爰處其中樂天自守良書雍左素琴臥右古焦石
硯黃磁花斗校易研朱賦詩推手言培果林更釀秫酒熙
颺美旭招我良友高情說雲狂歌擊缶不知主賓何論穉
窠下溼之田秋風運租蠶織之資柔桑百株孺子能文嬌
女知書入不聞交謫之語出不爲章服所拘非捷徑之可
借非充隱而邀譽時或策杖聽水岸巾看雲糾園笠以觀
稼騎款段以尋春娛樂陶陶吾行吾真邁志羲皇之上長
爲太平之民此固人生之至樂非紛紛者所得而同云吾
以是招子子之意信乎其在是矣
潛虛子乃瞿然而起听然而笑曰有是哉是固吾所旦夕
思之而不能得者也向者吾子所言金鉉銀青之貴重輪

疊奐之居豐容緜節之襍沓寶衣玉食之華腴以及逞羽
獵于朔野捐眞靈于雲衢如寢如幻縹緲空虛非吾願之
所及故敬謝而勿趨至若玄寓丕美園首康娛極眞境以
自適無危機之可虞則又安得不臨風揚袂望塵脂車再
拜嘉命請昇子俱

...

七歎

敘曰羊腸世路跬步欹危蜃海浮煙彈指樓閣感之所觸
莫已于言拉襍書之名曰七歎
歲紀彊梧青陽始謝曼子端居不怡隱几而臥仰天而歎
客或見而問曰子類有甚不釋于懷者胡爲是悵悵而悵
悵而可得聞乎曼子曰然吾慨夫浮俗之不可弇居也九
嶷蒼蒼陰晴翕忽人寰嶮巇萬變何極吾以間見之所及
舉其尤者可歎有七請爲吾子述之若乃鳴珂上佐秉節
重臣作天子之股肱寄朝廷之心膂吐氣而風雲陔合揮
手而日月可迴于是雕龍之客結駟之英岌華冠而卑拜
高蟬成羣璆玉佩以磬趨縣魚作隊進堂階一尺僂是青

續州堂馬體文卷八
雲得相公片言若獲丹袞朱門未啟槐柳之行森然銀鏡
既張雁鳧之列未披一旦怨矢忽集怒電難迴雕騁一至
卽爲忝國之人白獸誰開無復朝天之路向之承色笑可
齒牙者此足疑其有鬼翻手可以爲雲出國門而悵望寥
寥祖道之筵登柴車而載馳寂寂臨歧之贈其或田閒再
起皇路重驅狐偃兩腳還趨翟尉之門鐵厚十重夏下楊
郎之拜此古今所同慨實宦海之常情其可歎者一也出
羣傑士抱略英材十年提塞外之軍萬里寄刀頭之命霜
天劍折花凝鐵甲之冰野宿魂驚寢斷銀戈之枕浙矛作
倉則美比珍炊穿沙得泉則貴伴甘醴夜雨寒而金癡裂
鉤聲震而馬汗蒸李光弼之臨敵短刀輒納韞中秦武衛

之生平出而甯惟斗計始得奏龍躍之績拜虎節之榮所
謂全一生于萬死之中獲貂蟬于兜牟之內者也而科目
之士無寸勩尺勞策勳于佔畢躡身于雲霄轉乃恃其儔
眾鄙爲武夫蹉跌小失糾彈紛起屬之一吏之力卽得持
其短長悲夫北軍太尉甯知獄吏之尊南征將軍終被明
珠之誦劾灌夫于坐上旤基魏其之田止李廣于亭中氣
盡灞陵之尉志士爲之扼擊豪傑爲之摧心此其可歎二
也洛陽右戶淮右鴻商積寶珞以爲山量珠璣以論石其
慳且陋者勿論矣乃有傾財結客列鼎饗賓江湖奇服之
倫潦倒悲歌之士莫不待之以上客館之以華居齊孟嘗
之門下履盡銜珠孔北海之坐中尊常濺玉黃金脫手甯

緘寶井之珍紅粉贈人詎惜章臺之柳當斯時也盟青山而志恩矢白水以圖報感激萬狀流涕縱橫及乎金穴潛銷銅陵漸圯主人老去路鬼來窺秋風客棹卽同黃葉之飛夜雨堂空誰拜繡帷之景甚者欺其孤露肆彼陰姦隨浮鷺而偶集原同舍北之鷗化妖鳥以啄人舊是堂前之燕置厚地高天于不問甘牛襟馬裾而無慙人情至此世道何論此其可歎三也中都俊彥東魯諸生抱好修之真探文章之奧迎羲和之始景晨窗點朱送望舒之末輝夕館披卷用能源溯學海心鏡芬囿飛藻有麟鳳之采羅罽皆星斗之芒章華視艸豈惟作賦之才柏梁聯吟何愧簪豪之選然乃省門屢踏席帽難拋誦五千卷之祕籍僅爲

章句之師簪三百瓊之黃齋曾無食肉之相青衫風冷蕉萃可知白髮霜添生平已矣而彼赫翁豪右齷齪富人或起家于猥胥或罔利于駟僮目不識一丁之字寢不到二酉之山高雍金貴雄長閭里童騎如虎視衣冠若綴旒意氣如雲輕單寒儕土梗至于歲時之會盛服高坐倨態雍腫狂論偶發四坐爲之傾聽卮酒一行諸父不斂膝席而局趣寒生默然面壁僵蟬比噤共笑語者何人飢鸞不輝覺揄揶之皆鬼嗟乎讀萬卷書不及屠沽兒管人所爲傷也此其可歎四也切玉定分佩蘭同心十年則螢案促襟一闌則雞鳴蹴舞應詹學昇章郎爲弟昆張軌易衣視樂安而莫逆當斯之時結綬彈冠之願乘車戴笠之盟幾

欲勒金石以表誠矢鬼神而證信無何春雷破壁巖穴有起蟄之鱗神山引風蓬萊嘯垂翅之鳥升沈既判雲泥斯分溯結契之誠念相知之雅故人無恙重聯風雨之牀騶從登堂無爽生平之約卽雲龍之合無日勞燕之飛各天猶當走一介之使濟其清寒寄千里之書勸之餐飴脫令灰生異路幽顯殊途黃墟風景致忘竹林之年西華弟兄時恤葛巾之困揆情準理固其宜也柰何青雲之身始致白首之誓頓忘華門停上客之車窮巷斷貴人之轍或素書將意則置之若罔聞或苾屨相從則接之以冷面笙歌列侍何思席硯之歡繡毳被躬安憶布衣之好旣謝貢王之徽烈夏蔑管鮑之清塵甚而嫉其茂學陰謀設毒螫之

機畏其故知先計阻飛鴻之路嗟乎交期安在過猶馬耳之風人心難窺嶮甚虎鬚之峽誠無怪乎王仲回有撻子之戒劉孝標廣絕交之論也此其可歎五也葦繫末親蘿牽疏或瓊瑤互荅筐篚相將羊酒之奉覆繡帔以登門縑帛之遺薦雕槃而疊几佳節招邀之局選錯遴珍春風嫁娶之天添珠助玉莫不競巧麗尙侈華本俗習之移人託殷勤而結好然而芳楹絡繹祇屬鼎門瑤簋紛紜但陳華屋至于蕭條古巷寂莫寒家雖復里閭宿好襟袂通親旣往返之無人亦饋遺之絕迹甚至嬋媢語舊則緘唇而羞稱貉繻相遭則障面而竟避或有飛書乞米破戶呼寒驚糧滿地偏慳稊粒之分龍縞襍投翻惱絮袍之贈悲夫豪

家一擲之費卽寒士終歲之需于彼則強近而損其高資于此則割諛而珍其餘瀝斯薄俗所常見誠不解其何心其可歎六也馬醫賤裔犢禪白徒鴻都諧價乞靈鷲眼之中羽章飾身厠名羊胃之列豕乃出入簪林焜煌梓里高輿結翠大馬如龍藉鑽刺之專長開招納之捷徑則有金牛刺史餓豺令君悅其狐媚接以杯酒之歡仗其狡謀通此營財之路因以爲虐鄉曲作橫里門蓄雕臂之少年結虎冠之桀隸魚陂豪奪千頃不以爲多鱗賸巧侵百畦猶嫌其少善類畏若蛇蝎萌愚尊爲帝天而一二搢紳耆德閉戶養高首鼠無主翻防患乎蛾沙暗鸞若叱任肆嗚乎鵬子豕令魑魅走光天之下睽暘爭輝犬羊蒙文虎之皮

跳踉無忌其可歎七也是七者皆在管所同然非今時之創局就所共睹已足感懷若欲究塵海之風波窮人情之雲雨則誠盡南山之竹莫罄其書量恆河之沙罔知其數者矣于是客亦不覺愀然以思慨然而起相弇附膺長歎不能置云

小補附云
自笑千巖客衣不覺漸熱以思熱然而秋味與秋氣俱
寒雨似瀟瀟南山之竹莫得共善量世所之亦謂秋其
風涼而共神曰吳風對客發寒氣之風涼人謂之
風涼無忘其何類也吳風之清涼其清涼非今之

僕以下才局迹緹素聞聲輪心比應辟校經居會城之載
氏聽園松格既瞻瑤情斯暢獲附袞屐之列珠玉可親亂
點金銀之車黃墨多暇乃定傾蓋之分高歌寶劍之篇談
深燭寒吟涼雨墜當是時也 邁孫先生將以 先生駢
體之文謀付剞劂於是玉牋親寫瑤葩濯鮮墨雨一揮縹
雲萬壘吸華吐粕瓊采鍾霞都爲一編排比成卷受而讀
之口香三日挹華嶺之玉漿咳唾九天破葩苑之瓊響遂
付雕梨之手用作饋貧之糧會以風雪歲闌爰理歸櫂每
用翹結蒼江渺然聽園梅開積思成疾旣而稽山日落渭
北春深每望王孫其未歸乃結山鬼以爲伍嗚呼庾信有
傷心之感內史興陳迹之悲天上樓成山陽寢惡巫咸忽

下幽顯示分亦可悲矣夫人生百年流電一瞥凡託命於
 枯管多緘耀於窮山通眉不凡名葩永播奇胃所發雕章
 益工然而脫葉亂飛遺藁散佚已感螻蛄之易化安冀天
 地之長留難餘死後之香實亦意內之事安得有如 邁
 孫先生發襲芸之藏深援琴之泣傷故人之永逝訂敬禮
 之遺文者乎爰以校字聊綴小文嗟嗟靈鶴無言隻雞未
 奠芸帙在手零璣僅存心也慕之誠儒林之宏詣作者往
 矣是芬途之導師仁和張大昌集原文句跋於戴氏聽園
 僕以卷八招局迹卷五與陳聞聲卷七報李應辟卷七送余
 松格卷六復見心瑤情卷三與秦獲附卷二答南珠玉
 雲集卷六泉亂點卷五報黃墨卷三與秦乃定卷六蘭溪訓

高歌卷七報李談深卷七吟涼卷六蘭溪訓當是卷二
 聯吟卷七邁孫先生卷七靈芬先生駢體卷七書煙霞謀付
 遺詩卷七玉牋卷七靈芬瑤葩卷七黃墨雨卷二詩安
 縹雲卷七排比卷三泉社受而卷一歌石口香卷一
 詩序卷三退卷三挹華卷三重脩竹林咳唾卷二詩安皎葩卷一
 宜堂卷六陶卷七遂付卷七靈芬用作卷六藏風雪卷七詩錄園卷五
 子珍卷六報卷七孫卷七每用卷六報陶蒼江卷六集序聽園卷五
 爰理卷五積思卷七稽山卷四廩信卷七渭北卷六蘭君卷六
 均父卷三望王卷三結山卷八廩信卷七內史卷六顯卷六
 天上卷七山陽卷六廩信卷七內史卷六顯卷六

訓導陳亦可卷四伏敵人生卷六復見心流電卷三泉
 君誅亦卷七報李多緘卷四關幽通眉卷二雷名葩卷
 集託命悉伯書萬丁錄序卷七桐屋園詩序卷一秋
 灑花奇胃古樓文集後萬雕章卷七序香脫葉卷一
 小錄遺卷三仲泉已感卷八冀天卷三沈香餘死烈婦誄
 遺藁遺詩序發襲卷七靈芬援琴卷四關幽傷故卷七
 亦意余帆序卷七復見心爰以卷七靈芬聊綴卷七生春
 遺詩訂敬齋詩集序卷三仲泉芸帙卷一廬詩序卷三沈香
 靈鶴遺詩序屋心也卷二雷儒林子珍書作者卷三沈香
 遺詩序屋心也卷二雷儒林子珍書作者卷三沈香
 鈔是芬館詞跋

眉叔笙月詞四卷粵景詞一卷同治壬申刻於聽園亦既
 有井水處能歌矣予為刻縵雅堂駢文在光緒辛巳秋書
 成眉叔已不及見嗚呼負吾友矣今年秋覲得未刻詞若
 干闕與譚君仲修一再斟訂仍付手民次為笙月詞第五
 卷其亦春蠶未盡之絲也已眉叔尚有詩集十二卷臧於
 家儼為續刻以傳於世吾身健在請志息壤已丑十月邁
 孫記

李其衣寶鑑未盡之餘也曰蘇妹尚存精果十二等編
手閱與醫書中第一再博讀仙丹手刃疾為聖只
如蘇妹曰不效良藥神醫古文余今平好賦詩未暇
其衣寶鑑雖矣下為陳謝堂文全次辭幸曰蘇
蘇妹至且請四卷景圖一券同谷王申除外讀

